

ეროვნული  
ბიბლიოთეკა



## საბჭოთა საქართველო— სამოხდართნი



ISSN 0180—1624

# საბჭოთა

თეგერვალნი

№ 2 1985 წ.



23 თეგერვანი საჭმთა არმიისა და სამხედრო-საზღვაო  
ფლოტის დღეა



# კულუპ ბუარჯუა!

საკვ ცენტრალური კომიტეტის, სსრ კავშირის მინისტრთა საბჭოს, საკავშირო პროფსაბჭოს და სრულიად საქავშირო ალკ ცენტრალური კომიტეტის გარდამავალი წითელი დროშებით დაჯილდოვდნენ და სსრ კავშირის სახალხო მეურნეობის მიღწევათა გამოფენის საკავშირო საპატიო დაფაზე არიან შეტანილი შემდეგი კოლექტივები:

1. საქართველოს სსრ
2. შ. ჟოთი
3. გომადანოვიის რაიონი
4. გორის რაიონი
5. მახარაძის რაიონი

საკვ ცენტრალური კომიტეტის, სსრ კავშირის მინისტრთა საბჭოს, საკავშირო პროფსაბჭოს და სრულიად საქავშირო ალკ ცენტრალური კომიტეტის გარდამავალი წითელი დროშებით დაჯილდოვდნენ და სსრ კავშირის სახალხო მეურნეობის მიღწევათა გამოფენის საკავშირო საპატიო დაფაზე არიან შეტანილი შემდეგი კოლექტივები:

6. საკავშირო სამეცნიერო-საწარმოო გაერთიანება „პოტენციალის“ ქუთაისის ელექტროტექნიკური ქარხნისა.
7. თბილისის რძის მრეწველობის საწარმოო გაერთიანების.
8. ქუთაისის პურსაცხობი მრეწველობის საწარმოო გაერთიანებისა.
9. საწარმოო გაერთიანება „საქარამანდნულისა“, ქ. მარნეული.
10. № 10 „საქსოფლმშენობის“ ტრესტისა, ქ. სამტრედია.
11. საწარმოო გაერთიანება „საქქვანხშირის“ ორჯონიკიძის სახელობის შახტისა, ქ. ტყიბული.
12. საქართველოს სსრ საავტომობილო ტრანსპორტის სამინისტროს ზესტაფონის ავტოსატრანსპორტო საწარმოო გაერთიანებისა.
13. თბილისის საქალაქო საბჭოს აღმასკომის საგზაო მეურნეობის სამმართველოსი.
14. საქართველოს სსრ საავტომობილო გზების სამინისტროს ცეკერის საგზაო-სარემონტო-სამშენებლო-საექსპლუატაციო სამმართველოსი.
15. სოფელ ვაზისუბნის შრომის წითელი დროშის ორდენოსანი კოლმეურნეობისა, გურჯაანის რაიონი.
16. „თამარისის“ მეფრინველეობის ფაბრიკისა, პოლენის რაიონი.
17. ზუგდიდის სოფლის მეურნეობის აგროქიმიური მომსახურების სარაიონთაშორისო საწარმოო გაერთიანებისა.

საკვ ცენტრალური კომიტეტის, სსრ კავშირის მინისტრთა საბჭოს, საკავშირო პროფსაბჭოს და სრულიად საქავშირო ალკ ცენტრალური კომიტეტის გარდამავალი წითელი დროშებით დაჯილდოვდნენ კოლექტივები:

18. საწარმოო გაერთიანება „საქსამთოქიმმრეწვისა“, ქ. თბილისი.
19. ამიერკავკასიის რკინიგზის თბილისის საკვანძო სადგურის ენერგომომარაგების უბნისა.
20. კავკასიის რკინიგზის ტრანსპორტის სახელმწიფო საპროექტო ინსტიტუტისა, ქ. თბილისი.
21. საქართველოს სსრ გეოლოგიის-სამმართველო-ჰიდროგეოლოგიური და საინჟინრო-გეოლოგიური ექსპედიციისა, ქ. თბილისი.
22. ქუთაისის პურპროდუქტების კომბინატისა.
23. თბილისის აბრეშუმის საწარმოო გაერთიანებისა.
24. გორის მელიორაციისა და წყალთა მეურნეობის საწარმოო სამმართველოსი.
25. ლანჩხუთის ჩაის მრეწველობის საწარმოო გაერთიანებისა.
26. „კავკასიულექტროქსელმშენის“ „საპატიო ნიშნის“ ორდენოსანი სახელმწიფო საკავშირო ტრესტისა, ქ. თბილისი.
27. საქართველოს სსრ მეცნიერებათა აკადემიის სსრ კავშირის 50 წლისთავის სახელობის მეტალურგიის ინსტიტუტისა, ქ. თბილისი.

28. საქართველოს „დინამოს“ რუსუბლიკური საბჭოს ტრიკოტაჟის სპორტული ნაწარმის ფაბრიკისა, ქ. თბილისი.

29. საქართველოს სსრ ადგილობრივი მრეწველობის სამინისტროს გორის ადგილობრივი მრეწველობის საწარმოო გაერთიანებისა.

30. საქართველოს სსრ მოსახლეობის საყოფაცხოვრებო მომსახურების სამინისტროს წყალტუბოს მოსახლეობის საყოფაცხოვრებო მომსახურების საქალაქო სამმართველოსი.

31. გარდაბნის მებოსტნეობის საბჭოთა მეურნეობისა, გარდაბნის რაიონი.

32. სოფელ დილისკის ოქტომბრის 40 წლისთავის სახელობის კოლმეურნეობისა, ახალქალაქის რაიონი.

33. სოფელ შამგონის ს. შ. კიროვის სახელობის კოლმეურნეობისა, ზუგდიდის რაიონი.

34. სოფელ ჭიკანის კ. მარქსის სახელობის კოლმეურნეობისა, ყვარლის რაიონი.

35. გიორგიშენიძის მელორეობის კომპლექსისა, საგარეჯოს რაიონი.

36. შრომის წითელი დროშის ორდენოსანი საბჭოთა მეურნეობა „წალენჯიხისა“, წალენჯიხის რაიონი.

37. საბჭოთა კავშირის ჩაისა და სუბტროპიკული კულტურების სამეცნიერო-საწარმოო გაერთიანებისა, მახარაძის რაიონი.

### აფხაზეთის ასს რესპუბლიკაში

საკვ ცენტრალური კომიტეტის, სსრ კავშირის მინისტრთა საბჭოს, საკავშირო პროფსაბჭოს და სრულიად საქავშირო ალკ ცენტრალური კომიტეტის გარდამავალი წითელი დროშით დაჯილდოვდა:

38. აფხაზეთის ასსრ  
საკვ ცენტრალური კომიტეტის, სსრ კავშირის მინისტრთა საბჭოს, საკავშირო პროფსაბჭოსა და სრულიად საქავშირო ალკ ცენტრალური კომიტეტის გარდამავალი წითელი დროშით დაჯილდოვდა და სსრ კავშირის სახალხო მეურნეობის მიღწევათა გამოფენის საკავშირო საპატიო დაფაზე არის შეტანილი კოლექტივი
39. სოფელ ოქუშის ვ. ი. ლენინის სახელობის კოლმეურნეობისა, ვალის რაიონი.

### აჭარის ასს რესპუბლიკაში

საკვ ცენტრალური კომიტეტის, სსრ კავშირის მინისტრთა საბჭოს, საკავშირო პროფსაბჭოსა და სრულიად საქავშირო ალკ ცენტრალური კომიტეტის გარდამავალი წითელი დროშით დაჯილდოვდა

40. შ. ბათუმი  
საკვ ცენტრალური კომიტეტის, სსრ კავშირის მინისტრთა საბჭოს, საკავშირო პროფსაბჭოსა და სრულიად საქავშირო ალკ ცენტრალური კომიტეტის გარდამავალი წითელი დროშით დაჯილდოვდნენ კოლექტივები:
41. ბათუმის ხის დამამუშავებელი კომბინატისა.
42. სოფელ ქვედა აჭყვის კოლმეურნეობა „წითელი ოქტომბრისა“, ქობულეთის რაიონი.

### სამხრეთ ოსეთის ავტონომიური ოლქში

საკვ ცენტრალური კომიტეტის, სსრ კავშირის მინისტრთა საბჭოს, საკავშირო პროფსაბჭოსა და სრულიად საქავშირო ალკ ცენტრალური კომიტეტის გარდამავალი წითელი დროშით დაჯილდოვდა კოლექტივი.

43. სოფელ ბლანის ს. ორჯონიკიძის სახელობის კოლმეურნეობისა, ლენინგორის რაიონი.

პროლეტარებო ყველა ქვეყნისა, შეერთდით!

## დროშა

№2 (578) თებერვალი, 1985

ეურნალი გამოდის 1923 წლიდან  
ყოველთვიური საზოგადოებრივ-პოლიტიკური და სალიტერატურო-სამხატვრო ჟურნალი

საქართველოს კვ ცკ-ის გამომცემლობა

© „დროშა“, 1985 წ.

### ნომერშია:

მ. ქავთარაძე აი. ასათი მჭამს კომუნისტი (ნარკვევი).  
3. გვეტაძე სიჩუბა ბრინანსკის ტყეში (ღიადი გამარჯვების 40 წლისთავისათვის).

თ. ხმალიძე საღმებრძოლო (მონტრობა).

ა. ლლონტი — მემოგრობის ნერგი ძლიერი.

ბ. კონჯარია — ოლქსა ნოვოცკი.

ტ. ჩინჩილაკაშვილი — უხვედრა ლაიფციბის პროცესის გამართან.

ე. პაპე ერთი მრავალთაბანი (მონტრობა).

ბ. ქორქია ძელი საფხვართო საზომი.

რ. ზაქარაია, ლ. დოლიძე — ულტრალო ცის ჯარისკაცი (ნარკვევი).

დ. სიმანოვიჩის, კ. ნადირაძის, ხ. ბერულავას, ვ. ხარჩილავას, ს. ახვლედიანის, ვ. შკოდანს ლექსები.

იუმორი, კროსკორდი.

### მთავარი რედაქტორი სუბა ბერულავა

### სარედაქციო კოლეგია:

გულნარა ბახტაძე (პ/შგ. მდივანი), ვასილ გვეტაძე, ნათელა გიორგობიანი, თანგიზ გოგოლაძე (შტ. რედაქტორის მოადგილე), ოთარ დემეტრაშვილი, სერგი ღურშიძე, ვასტანა ეხვანჯია, ოთარ თურქია, დინარა ნოდია (მხატვარ-რედაქტორი), ლადო სულაბერიძე, ილია ტაბაღა, ნუზარ ფოფხაძე, გიორგი ჩარკვიანი, უჩა ჯაფარიძე.

საქართველოს  
კავშირების  
მინისტრის  
გამომცემლობა



# ეროვნული საჭარტველო

ეროვნული საჭარტველო



დავით სივანურიძე

## სდექ, ჯარისკაცო!

ომს იგონებენ წყვილით და კრულივით, რალაც შორეულს, რალაც საშინელს... აგერ, ყავარჯნის ჭრილი ჩემი გვესმის გზაზე და ყველას გვაშინებს.

ტყის განაპირას სულ ყოველ დილით, წარსულის ექოდ, მომავლის ბედად, ბიძია პროშკა მიყვება ბილიც ძველი ყავარჯნით... თუმცა ვერას ხედავს.

მიდის, ცალ მუხლზე ხელის დაბჯნით, ჯოხის კაკუნით და კვნესა-კვნესით... და ეს გოდება ძველ ყავარჯნის, ვით ზარის რეკვა, ქვეყანას ესმის.

სდექ, ჯარისკაცო! არ ხარ ძლიერი, სდექ, ყავარჯნო, ვერა გრძობ, განა? რომ იქ მიხვედი ძვლებდამსხვრეული, სად შენი ძმები ძეგლებად დგანან.

იყოჩე ერთხანს. ცრემლით კი არა, მწარე ღუმლით, ვაჟაკის დარად.

მერე ყავარჯნის ჭრილი-ჭრილით ისევ გაჰყავი სოფლისკენ შარას.

რკინის საწოლთან აგტიკვა გული, სულს აგიწვენი ძველი დარდები. მერე თვალისჩინს მოგტაცებს რული, ლამაზ სიზმარში გადასახლდები.

და ბედნიერი... შენს გულის სწოლთან, როგორც შეჭფერის ჭაბუკს წვივანდელს, თავბრუდახვევით იცეკვებ „პოლკას“. მთლად დაქანცვამდე, მთლად წაქცევამდე.

ლურჯი სიზმარი არ მიღირს გროშად, არც ცუცები ზღაპარს, სადღაც გავიწილს. ყავარჯნით მოდის ბიძია პროშკა, ვითხოვ, დადუმდეს ყველა გარმონი!

## თბილისისაკენ

გზისპირ ყვავილებს ცუნოსავ და არ ვკრეფ, ასე თეთრგულეებს, ასე ლამაზებს. ძველ თანამგზავრებს ვშორდები განგებ და ახლებს ვიძენ ამ ქვეყანაზე.

რა სურათია!.. ნახატი ყალბით, მღლით ქართული ზეცა დამყურებს. ვსვამ კახურ ღვინოს მე თიხის ჯამით და მოიმის ჯამთან შევაჯახუნებ.

თამაშ-თამაშით, ჩხრალ-ჩხრალით, ჩქარი მდინარის ტალღები რბიან. მზე კი არ გათბობს სხივთა ბრიალით, ქართველის გულსაც ლაღარი ჰქვია.

წინ ხეობაა, გზაა ტყიანი, იარე, მუხლი მოლალო ვინძლო. აგერ, გოგონა ნაწნავიანი — მე მას ჭაბუკურ წლებიდან ვიცნობ...

სიკვილი-სიკვილის უძლიველ პანგებს დაზგუგუნებენ მთები ვედრებით. ძველ თანამგზავრებს ვშორდები განგებ, ახალ მეგზურებს მივეკიდლები.

ეს ალტაცება, რაც ვიგრძენ გუშინ, ვით შევძლო, ლეჩხად არ გავემეღავნო? მე საქართველო ჩემს ალალ გულში შემოვადრძენი სამარადქამოდ!

## თბილისი, რუსთაველის ქუჩა

ვცხოვრობ ამ ლამაზ, ფართო ქუჩაზე, ჰქრის ნელი სიო, მე ვალბე ფანჯრებს. გავექერ სამხრეთულ ლამეს უნაზესს, ვარსკვლავთა შორის ერთ ვარსკვლავს ვარჩევ.


ისა... დიდი პოეტის ლანდი გამოგქცევია, ცაო, ნათელი!.. ვარსკვლავად ბრწყინავს, გამზირზე დადის, დადის და ლოცავს მთლად საქართველო.

— ბედნიერ იყავ, აწ და მარადის წა, შეუერთდი მწვერვალს, მშობელი მიწის მადლი გფარავდეს, იბრწყინე ასე და იელვარე!

\*\*\*

ო, ერთხელ მაინც შორიდან ბედად, მეგობართა და ნაცნობთა თვლით, თუნდ ერთი წუთით რომ შემახედა, ვით დავემჩნიე ჩემს მიწას კვალნი... თუნდ ერთი წუთით... ხომ შევიფერებ, ხომ სხვა ცხოვრებით ვიცხოვრებ მერე?!

ბელორუსულიდან თარგმან  
დავით კვიციანიძე.



დავით შორაძე

## საქართველოს

მე ფიქრშიც ხშირად ავიდევენბი შენს გზებს, ზღაპრული მზიბლავს ხედები: შენი მტკივარი და შვინდის ტეკრები და პირველქმნილი მწვენიე ქედები. მთის კალთა თეთრად გადაუბურავთ ცხვრის ფარებს, ცისქვეშ შეფარებულებს, და გზას უნათებს შენი შუქურა მეზღვაურებს და შეყვარებულებს. შენთან მეც იმის შუქზე მოვცურე და უმალ გულის სითბო ვიგრძენი. დიდი სინათლით გარემოცული, შენ უანგარო ხარ მასპინძელი. ...მწვერვალს ეკიდა მთვარის საყურე, ხევში ლოდები იწვენენ დიდრონი, და, როს წყაროთა ხმას მივაყურე, სულში შეტრქდა ვაჟის სტრიქონი.

მცხეთის ჭიშკართან კრძალვით მოვილი და რიქარაის ჟამს ქება ვუთხარი უცნობ ოსტატებს, ვინც საკუთარი სისხლით ჩაიკრეს სვეტიცხოველი. შენი სიკეთე სხივს მომაშუქებს და მუდამ თან მდევს, ზაფხულ თუ ზამთარ, ის შთაგონება, შენ რომ მაჩუქე, შრომის ჟამსაც და სიმღერის ჟამსაც.

## სამასი არაგველის ოჯალისკთან


თბილისის მიწის წიაღიდან ცად ატყორცნილა სვეტი ალისა — ვარდისფერი მარმარი თლილი, და უკვდავების ცხელი ბაგით გადაკონილი, მარადიული ცეცხლის თვალთ გაჰყურებს თბილისს. გვამცნობს წარწერა, მზის საჭრეთლით ამოკვეთილი, მამულის დამცველ არაგველთა უკვდავ გმირობას. ანთია ცეცხლი — იმ ვაჟაკთა სული კეთილი, მომავლის რწმენა თუ წარსულის ღია ჭრილობა. სამასნი იყვნენ... უამრავი მტერი აკაფეს... სამასნი იყვნენ... გადუხადათ ქარმა ალაპი... ჩაედუღანბენ სამშობლოს სიმტკიცის კედელს... — ო, საქართველოვ, დაღუპულთა დებსა და დედებს ნუგეში უთხარ, მიეფერე დედური ხელით, ქვასაც რომ დასწავს, შეუმშრალე ის ცრემლი ცხელი. შენ კი, პოეტო, სიტყვა დასძარ გულის სიღრმიდან, გმირთა ამბავი გადაეცი შთამომავლობას. თქვი ისე გულში ჩაუქრობულ ნათელს გვიღვრიდეს და გმირთა ხსოვნა ვერ დანისლოს წელთა მრავლობამ. აგას ობელისკი, უკვდავების საჭრეთლით თლილი და მარადიულ ცეცხლის თვალთ გაჰყურებს აბილისს.

რუსულიდან თარგმან თაიშურა ჯანგულაშვილმა.

# აი, ასეთი პიროვნება პოუნიდა!



გივი გაჩეილაძე.



ხარატი გივი გაჩეილაძე, ხარატი გიორგი კვანტალიანი და ზენკალი თემურ ღურღიაძე.

ოქტომბრის რევოლუციის ორდენოსანი ი. ბ. სტალინის სახელობის ელექტროვაგონშემკეთებელი ქარხნის ხარატი გივი გაჩეილაძე ალალმართალი კაცია, მომთხოვნი და პრინციპული.

ერთ საგულისხმო ამბავს მოგიყვებით. კრება მთავრდებოდა. ყველაფერი გარკვეული იყო. ქარხნის მექანიკური საამქროს კომკავშირის კომიტეტის მდივანი, კუთხეში მიმჯდარი ახალგაზრდა მოწინავე მუშა კომუნისტური პარტიის წევრობის კანდიდატად უნდა მიედო.

— ხომ არ ვჭკარობთ?!  
გივი გაჩეილაძე წამოდგა. შუბლზე მოცვარული ოფლი მოიწმინდა. გარინდებულ დარბაზს მიმოავლო თვალი და განავრძო:

— მარტო პირადი წარმატება არ კმარა. თუ ქარხანა გიყვარს, სხვასაც უნდა დაეხმარო. ასეა თუ არა?

— ასეა!  
— ჰოდა, რახან ასეა, ამ მოწინავე ახალგაზრდა ხარატმა კეთილ ინებოს და სხვასაც დაეხმაროს.

— ეგ როგორ?  
— როგორ და, ჯერ საამქროში რამდენიმე ჩამორჩენილი კომკავშირელი დარბაზმოს, საერთო საქმე წინ წასწიოს და პარტიის წევრობის კანდიდატად მერე მივიდეთ. გასაგებია?

მართალს ამბობდა გივი გაჩეილაძე. ქარხნის გამობრძმედილი მუშაკაცი, პრინციპული კომუნისტი, კუთხეში მიმჯდა-

რი, მორიდებით თავდახრილი ახალგაზრდა ხარატის ღვიძლი მამა.

მართალს ამბობდა და ყურად იღეს მამის ნათქვამი. იმსჯელეს აწონ-დაწონეს და მერაბ გაჩეილაძის კომუნისტური პარტიის წევრობის კანდიდატად მიღების საკითხი დროებით გადადეს.

პრინციპულობა ჩვევად მოსდგამს. ოცდაშვიდი წლის წინათ, როცა შორაპნის ღებოს სარემონტო მექანიკური საამქროდან თბილისის ელექტროვაგონშემკეთებელ ქარხანაში გადმოვიდა, ხარატმა გივი გაჩეილაძემ მუშური სინდისი წამოიძლო.

არ უღალატია. უხმაუროდ შრომობდა, მოწადინებით. წლების მანძილზე საქმესაც სამაგალითოდ აუდიოდა და თუკი მისჭირდებოდა— სხვასაც ახმარდა ხელს.

წარმოჩენა არასოდეს უძებნია. თვითონ მოვიდა. მოვიდა დროულად. დამსახურებულად. ალალი შრომისა და ფიქრის საზღაურად, მისაგების — მისაგებად.

მუშათა კლასის სახელოვან წარმომადგენელს გივი გაჩეილაძეს შრომის წითელი დროშის ორი ორდენი უმშვენებს მკერდს. იგი ოთხჯერ იყო არჩეული საქართველოს სსრ უმაღლესი საბჭოს დეპუტატად. გივი გაჩეილაძე საქართველოს კომპარტიის თბილისის საქალაქო კომიტეტის წევრია; თბილისის საპატიო მოქალაქეც გახლავთ და საქართველოს სახელმწიფო პრემიის ლაურეატიც; შრომის დამკვირვებელი და რაციონალიზატორიც, ამიერკავკასიის რკინიგზის პროფკავშირის კომიტეტის წევრიცა და ქარხნის მშრომელთა საზოგადოების კომიტეტის თავმჯ-

დომარეც; გულისხმიერი მეგობარიცა და ახალგაზრდების საიმედო აღმზრდელიც...

ახალი წლის პირველ დღეს პირველი სიხარული მოჰყვა. გივი გაჩეილაძემ შინ ლენინგრადიდან გამოგზავნილი წერილი მიიღო. ბარათს დიდი სამამულო ომის ვეტერანი, კომკავშირის გვარდიელი, ამაჟამად სამხედრო-პარტიოტული აღზრდის ლექტორი უცნობი ოლია მურაშევა იწერებოდა.

— პატივცემულო გივი სერგოს ძე, საკავშირო ტელევიზიით გავეცანი თქვენს გმირულ შრომას. აღფრთოვანებული ვარ. მახარებს თქვენი სამაგალითო შემართება.

ელექტროვაგონშემკეთებელი ქარხნის მუშებმა გივი გაჩეილაძე ამას წინათ კვლავაც წამოაყენეს საქართველოს სსრ უმაღლესი საბჭოს დეპუტატობის კანდიდატად.

— მუშათა დინასტია! ამ სიტყვებს ხშირად გაიგონებთ ქარხანაში.

დილაბნელი ტყდება. სხვებთან ერთად, ქარხნის ჭიშკრისკენ მამა-შვილი გაჩეილაძეებიც მიიჩქარიახ.

მიდიან მიძიე, მტკიცე და მოზომილი ნაბიჯით. ორივე კომუნისტია. ორივე ლაურეატი. შვილმა — მერაბ გაჩეილაძემ საქართველოს კომკავშირის პრემიის ლაურეატობა დაიმსახურა. ეს ჯილდო მან საერთო საქმეში თავდადებული შრომისათვის მიიღო. მის წარმატებაში კი, აკი ვთქვი, მამამისსაც მიუძღვის წვლილი.

ოთარ ქავთარაძე

# სიჩუქეა ზრიანსკის ცყევი

## პასილ გვეტაძე

ახლაც ხელშეუხებლად მესხიერებაში შენახული ძველი, მესხიშვილისეული თეატრის შენობა ქალაქის შუაგულში, მშვენიერი „ბულვარის“ წინ. უამთებროდ წარმოუდგენელია ქუთაისი, მისი საზოგადოება, რომელსაც უყვარს ლამაზი სანახაობა და გულში გამოვლილი პოეტური სიტყვა.

სწორედ ამ შენობის გვერდით, სცენის მხარეზე, იქ, საიდანაც მხოლოდ მსახიობები შედიოდნენ თეატრში, ზედ ქუჩის პირას, ერთი მომცრო ოთახი მწერლებისთვის დაეთმოთ მაშინდელი ქალაქის მესვეურებს.

ცოტა მოგვიანებით იყრიდნენ პოეტები აქ თავს.

მოეწყოთ ეს ოთახი ისეთნაირად, როგორც თავმოყვარე, რიგიანი ქარგალხელოსნები აწყობდნენ ადრე თავიანთ სამუშაო კუთხეებს: ხალვათად, უბრალოდ, ყოველგვარი ზედმეტი მორთულობის გარეშე. ერთმანეთზე მიედგათ ორი საწერი მაგიდა. ირგვლივ შემოეწყოთ სელის სკამები.

ეს ოთახი იყო ყველაზე უწმინდესი ადგილი მაშინ ჩემთვის — ხატი და საფიცარი. ალბათ, ასეთივე დანიშნულება ექნებოდა მას იმათთვისაც, ვინც ჩემსავით ოცნებობდა ლიტერატურაში შესვლაზე.

მორიდებულად ავუვლ-ჩაუვულები ხოლმე ქუჩის მხარეზე გამოჭრილ ერთადერთ ოთხკუთხა სარკმელს. შიგ შეხედვა კი ვერ გამებედა.

ერთხელაც, გაკვეთილების დამთავრების შემდეგ, სკოლიდან ჩვეულებრივად გამოვემართე აქეთვე. ოთახში ხმამაღლა ლაპარაკობდნენ. შევატყვე, რაღაცაზე დაობდნენ.

გაზაფხულის მზიანი, უქარო დღეა. თბილა და კარები გამოუღიათ. გაცხარებული საუბარი აქვთ.

ღია კარებთან ვდგავარ. ვერც შიგ შევდივარ, ვერც ადგილიდან ვიცვლი ფეხს. არადა, ასე მალულად სხვათა საუბრის ყურისგდება, არც კია მაინცდამაინც საკადრისი საქციელი.

იღბლად კარებში ტანმკვირივ, კუნთიანი, სხარტი, ვერცხლივით ცინცხალი შესახედაობის ახალგაზრდა კაცი გამოჩნდა. შუბლთან შეთხელებული შავი თმა შუაზე გაეყო. ლურჯი, ჩაშვებული ხალათი ეცვა, ფართო გულსიზიბებიანი, სადა და ნამეტნავად უბრალო. ყელზე შავი პალსტუხი ვეკთა — გაბანტული, გაფუძფულებული.

სვერიან ისიანი გამოდგა ეს კაცი — აზრიანი, ჭკვიანი პიროვნება, ნაჭედი, შეკრული სტრიქონების ავტორი, უკვე კარგად ცნობილი პოეტი.

სხვათაშორის, ადგილობრივ საქალაქო გაზეთში იმ დღესაც დაიბეჭდა „გარბენის გმირს“, ერთი მშვენიერი ლექსთაგა-



ნი მის პოეზიაში. ცოტა მოგვიანებით იგივე ლექსი ჟურნალმა „ჩვენმა თაობამაც“ გამოაქვეყნა.

ერთი სიტყვით, მაშინ ქართველი მკითხველისათვის უცხო არ იყო სვერიან ისიანის სახელი. მე კი ზეპირად ვიცოდი „შეხვედრა ქართან“, „მზეს ამოიტანს რევოლუცია“ — სამოქალაქო პათოსით გაჟღენთილი ეს საუკეთესო ცეცხლოვანი ლექსები, ასე რომ გამოირჩევა სხვებისაგან და აქამდე შერჩათ პირვანდელი სინედლე და ცხოველყოფილობა.

მგრძობიარე გულის პოეტი უეჭველად მიხვდა ჩემი დაბნევის მიზეზს. მოვიდა, გამომესაუბრა, ოთახში შემეყვანა. ჩემი ლექსები გადაათვალიერა. ზოგიერთი ხმამაღლა წააკითხა.

გაოცებული დავრჩი იმით, რომ კაცი, რომელსაც ერქვა სვერიანი, ასეთი ახალგაზრდა იყო.

დღესაც არ ვიცი მე, რა შთაბეჭდილება მოახდინა მასზე ჩემმა ნაცოდვილარმა. არც იმის გარკვევა შემიძლია, იმ სტრიქონებიდან, მაშინ რომ გადაიკითხა, მართლა მოხვდა გულზე რამე თუ ისე, გასამხნეველად შემაქო. ვიცი მხოლოდ ის, რაღაც ათიოდე წლით ჩემზე ხნოვანმა კაცმა, ჭეშმარიტმა პოეტმა, რომელიც სულ მალე ჩემი უფროსი მეგობარი გახდა, ამ თბილი საუბრითა და შეხვედრით სამუდამოდ დამამახსოვრა თავისი თავი.

...1936 წელი იყო. ერთბაშად ამოლორთქილი ფოთლები აპრილდობდათ ჭადრებს. საიდანაც მოდიოდა მწიფე ბლეებისა თუ თუთების მოტკბო სუნი და ალუჩის ტოტით ხელში ქუთაისის ქუჩებში დაბრძანდებოდა გაზაფხული...

...ლამაზი სულის ადამიანი, ლამაზად იცვამდა და ლამაზადაც წერდა. კონსტანტინე გამსახურდიას ბრძანებისა არ იყოს, წერის დროს, თითქოს ეფერებოდა, ეთამაშებოდა ოქროს ყუნწზე შეკონწიალებულ უკვდავ ქართულ ასოებს. აკი ასე

სახიერად, ხატოვნად გვითხრა კიდევაც: ქარმა შეაკრთო ჩრდილი შველივით, მიმოარხია რტონი დიდრონი — ხე ალმაცერად ხელგაშვებული და თავდახრილი, ვით ასო დ-ონი.

მოხდენილი კალიგრაფიული ხელით ხომ წერდა და წერდა, პათოსიანი ქვებივით ელვარე სტრიქონები დარჩა. დახვეწილი პოეტური კულტურა, რაც დაახლოებით იგივეა, როგორც გემოვნებით ჩაცმა, მისთვის სრულიადაც არ იყო უცხო.

სევანეთის მთების სიზვიადეში ყვავილებივით თრთიან მისი სურნელოვანი სტრიქონები. „თეთნულდზე ასვლა“, „ცარლა“, „და კრიალებდეს უღრანში გზები“, ახალი თვალთ დანახული, დაუფიწყარი სევანური კოლორიტით გაჟღენთილი ლექსებია. შეკვირტული ტოტივით ნედლი, მოთიბული ბალახის მწკლარტე და თავისებურად სასიამო სუნი დაჰკრავთ ამ ლექსებს და წარუშლელ შთაბეჭდილებას ახდენენ მკითხველზე.

„არა, კალმის და წიგნების კაცად მე დღეს დარჩენა არ შემიძლია“, — თქვა პოეტმა-პატრიოტმა და მოქალაქემ მაშინვე, როგორც კი ომი დაიწყო. გამოეთხოვა შრომითა და ოფლით შექმნილ ოჯახს, მშობლიურ კედელ-ყურეს, სადაც მისი აკვანი გადაირწა, მიწას, სადაც „მუხების ჩრდილში სტრიქონს ჩარხავდა“. ყველაფერს გამოეთხოვა... შვილის საფლავსაც, თავის მარიკასაც.

დასაფასებელი ქალია მარიკა, პოეტის მშვენიერი ცოლი, სიკეთით სავსე ადამიანი. მე იგი მინახავს მუდამ ფიქრიანი, სანთელივით სათნო, მაღალი, ნაწნავებიანი, შავგვრემანი. მახსოვს სიცოცხლით გახარებულიც, როცა მისი პოეტი ეუბნებოდა: „მინ ვარ თუ გარეთ, შენ მახსოვხარ, შენ მაგონდები და ვერასოდეს, ჩემო კარგო, ვერ დაგმორდები“.

წავიდა ომში პოეტი, ახალგაზრდა კაცი, სულ რაღაც ოცდაშვიდი წლისა. ყირიმში მოხვდა. მოხვდა იქ, სადაც ჩვენი რჩეული ბიჭები დაიხოცნენ:

რა ვუყოთ, ომში ბევრი წასულა, მაგრამ ყველა ხომ ვერ დაბრუნდება... რამ ათქმევინა ამ კაცს თავის ბედობაზე ასე ზედგამოჭრილი სიტყვები. ეტყობა, სხვა რომ არაფერი იყოს, ომის სახიფათო გზაზე დამდგარმა ჯარისკაცმა აშკარად ამოიკითხა მისივე სულის ლაბირინთებში შენახული წინათგონობა. და მან, გაუხარებლმა და საოცრად ნიჭიერმა ბიჭმა, თვალებში შეხედა კარზე მომდგარ უბედურებას.

იმ დღეებში, ფრონტზე, პირდაპირ სანგარში დაუწერია „ნახვამდის“.

ამ ლექსს ხომ აუღელვებლად ვერავინ წაიკითხავს. ეს არაა მარტო ლექსი... რაღაც უფრო მეტია, უფრო ამაღლებული, სათნო, სათუთო! თუმცა რაღაა ნამდვილ ლექსზე სათნო და ამაღლებული? მტერზე ნიშტმემართული ჩაპყურებს სიკვდილს თვალებში. აპკაფეო!.. გუგუნიბენ ჭალარა მთები. დაპკარო!.. ყურში ჩასძანის შურისძიების ხმა. მოკვდი, მაგრამ „მტერს ნუ გაულებ სამშობლოს კარებს“... ამ სიტყვებით თვითონ პოეტი მიმართავს თავის თავს.

და მერე, როგორც პაერში ხმალი, ისე გაიკრიალებს მჭრელი, მოკვეთილი, ყველაფრის მთქმელი სტრიქონები:

მე ასე მზრდიდა სამშობლო-დედა, მე ასე მზრდიდა მიწა ქართული...

მაშინ კი, როცა მესამედ დაიჭრა და ჰოსპიტლის თეთრ კედლებში მოხვდა, მან, პოეტმა-ჯარისკაცმა, მომავალ თაობებს გულისტკივილით შესძახა:

მე განშორებას ბევრს მოვესწარი, ასე წავიდა ჩემი ცხოვრება!..

რაც; მართალია, მართალია, მართლაც სხვანაირად, უიღბლოდ წავიდა მისი ცხოვრება. სხვანაირი ბედი ერგო, — მწარე, გაუხარელი. დამშვიდობება ყველასთან — ხადრევი, აუცილებელი! დამშვიდობება სიყმაწვილესთან, საყვარელ წიგნებთან, სტუდენტობის წლებთან, ძვირფას ადამიანებთან. დამშვიდობება ერთგულ ცენთანაც კი, რომელიც სავსებით იმსახურებს იმას, რომ მისმა მხედარმა ასე უთხრას:

ქაფიან ნაპირს მოადგა ნავი და ჩვენ დავეშორდით ერთმანეთს მალე. მისი ჭიხვინი გულშემზარავი მომავალდება და მაქრიალებს. ვაჟკაცის ხელი ატყვია მის სტრიქონებს. სახთლებივით ციმციმებენ ისინი ჩა-

სვერთან ისიანი მუღღღღა და სიღვდრთან ერთად.

ბნელებულ, ნესტიან მიწურში. მალლიდან ჩამოდის წვიმა და კუთხეში ბეჭუტავს ერთი სანთელი. იქ ცალკე მიმჯდარა პოეტი. დაუდევს მუხლებზე ოფიცრის პლანშეტი, ზედ ჩაყვითლებული ქაღალდის ფურცელი და ქიმიური ფანქრით წერს. წერს, რომ მის ქვეშევსებ ვერასოდეს მიწვევებიან ფაშისტთა არამზადები, რომ გუშინდელი კანონადის შემდეგ ბატარეა ისვენებს. ფრონტზე დროებით სიჩუმეა და უბის წიგნაკში ასეთი ჩანაწერი ჩნდება:

„... ვიწრო და უსინათლოა ჩემი მიწური. მაგრამ ასე ფართო და ნათელი სახლი არსად მქონია. ერთი ციდა ფანჯრიდან შემოდის ბრიანსკის ნაძვანარის სურნელი...“

ხედავთ, როგორ ამბობს: ასე ფართო და ნათელი სახლი არსად მქონიაო? ისე, მართლა, ქალაქში არც კი ჰქონდა საკუთარი ბინა. სტუდენტობიდან მოკიდებული სულ ნაქირავებ ოთახებში ცხოვრობდა.

წელში გაუმართავი და გაულაღებელი წავიდა ის ომში. აღარავინ დარჩა აქ, ამ წუთისოფელში. ეს პატიოსანი ლექსებია მისი ჭირისუფლები, დამტირებლები. სახელსაც ეს ლექსები უნახავენ და გვარსაც.

ბელორუსიაში, ბრიანსკის ტყეში, ძმათა სასაფლაოზე, სადაც საკმევლისა და სოკოების სუნი ტრიალებს, სამუდამოდ დაესახლა ჩვენი პოეტი. ნათესავ-ახლობელთა ცრემლით არ გამლღვალა მისი საფლავის მიწა. დედას არ დაუყრია გულზე ცრემლები. ცოლს არ დაუტირებია: მისი დაღუპვიდან ცოტა ხნის შემდეგ მარიკაც წავიდა წუთისოფლიდან უხმოდ, უსაყვდუროდ. გულიანი ქალი იყო მარიკა. გულიანი და ჭკვიანი. მისი ხელის შეწყობით ბევრი რამის შექმნა შეეძლო მტრის ხელით მოკლულ პოეტს.

ცოტა თქვა სვერთან ისიანმა. ბევრის თქმა ვერ მოასწრო. მაგრამ რაც თქვა, თქვა ალაღად, ყრუოლვით, ყრუანტელვით. ყველაფრის გამომკითხველი და მისხალ-მისხალ ამწონ-დამწონი მომავალი გვერდს ვერ აუვლის მის შემოქმედებას. ამაზე მეტყველებს ეს ლურჯუდიანი წიგნიც, რომელიც „საბჭოთა საქართველომ“ გამოსცა.

მდიდრულად არაა ეს წიგნი გამოცემული. თვალს არ ჭრის თავისი მხატვრობითა და სილამაზით. პოლიგრაფიული გაფორმებითაც ვერ ტოვებს მაინცდამაინც კარგ შთაბეჭდილებას. წიგნი კი ნამდვილად წიგნია და მისი დამწერი კაცი, ბოლომდე რომ დაცლოდა, ბევრ შედეგს შესძენდა ქართულ პოეზიას. ჰქონდა მას ამის ძალა და უნარი.

გამოჩენილი მწერალი და მეცნიერი, აკადემიკოსი გიორგი ჯიბლაძე, რომელმაც პრესაში მოღვაწეობის დროს პირველმა დაბეჭდა სვერთან ისიანის თითქმის ყველა ლექსი, თავის წინასიტყვაობაში „სვერთან ისიანის პოეზია“, სწორედ ამისკენ მიგვანიშნებს. ამასვე აღასტურებს „შეხვედრა ქართანაც“ — ეს პატარა, ცისფერყდიანი წიგნიც, რომელიც კეთილსინდისიერად შეუდგენია ცნობილ მკვლევარსა და მეცნიერს, პოეტის უახლოეს მეგობარს მიხეილ ალავიძეს.

სვერთან ისიანს, ჭეშმარიტი პოეზიის მოტრფიალეთა და მოყვარულთა შორის, ყოველთვის ეყოლება მკითხველი და თავანისმცემელი, რადგან მისი შემოქმედება არ იძლევა დავიწყების უფლებას.



### სუბა გარულავა

#### ჩემო ხალხო, კეთილო...

ყველას, ვინც მოგილოცა სამოცი წელი და სამოცხუთს ჯილდო — ხალხთა მემორიალის ორდენი.

არა წყდება ძახილი მთებიდან და ბარიდან: მეფიერები, მილოცავ, მამხნივებ და მამშვიდებ. გაგილია ჩემთვისაც დიდი გულის კარი და ეგ სიმრავლე წლებისა იფანტება ქარშივე.

იფანტება, იფრქვევა ფანტელებად, ფიფქვად, — ღმერთო ჩემო, რამდენი ფანტელო და ფიფქა! დაუმცხრალი ცხოვრების გაგრძელება იქნება, მკუდროება როდია შვილთა შენთა სტიქია!

შენ მასწავლე სიყრმიდან ვარსკვლავებთან ჩურჩული, შენ მაჩუქე ურიცხვი ფიქრი ლამენათევი. ჩემს მამულში არ არი სადმე კუთხე-კონჭული, მისთვის რომ არ დამენთოს ერთი წმინდა სანთელი...

ჩემო ხალხო, კეთილო, ძლიერო და მართლო, ძველი დარდი ყოველი გაჰყოლია ზენა ქარს. შენი შვილი, ერთგული, ველარავინ გათვალოს, რადგან მისი მეგზურიც და მსაჯულიც შენა ხარ!


#### პასუხი გმირის დედას

ჩემი ხნისა მოიყარა, შვილო! მამო განდღვლიანის წარიღვან

ვიდრე ამქვეყნად ბობოქრობს მენობზე შენი შვილისა, მას დარდისაგან დაიცავს მაგ შენი სიტყვის თილისმა.

მადლობა დალოცვისათვის, ჭირიმე შენი ჭალარის, არც მინატრია მე ჯილდო უფრო დიდი და მაღალი!





ეროვნული  
ბიბლიოთეკა

# ივანე სურგულაძე



მსოფლიოში ცნობილი მეცნიერის ივანე ბერიტაშვილის დაბადებიდან 100 წელი შესრულდა. თავგანწირული შრომით, უაღრესად დიდი ბუნებრივი ნიჭით მიაღწია მან მეცნიერების უმაღლეს მწვერვალებს.

ივანე ბერიტაშვილმა საძიარკველი ჩაუყარა ქართულ ფიზიოლოგიას, აღზარდა ნეიროფიზიოლოგთა მთელი პლეადა.


ივანე ბერიტაშვილი იყო საბჭოთა კავშირის მეცნიერებათა აკადემიის, საქართველოს მეცნიერებათა აკადემიისა და საბჭოთა კავშირის მედიცინის მეცნიერებათა აკადემიის ნამდვილი წევრი. სოციალისტური შრომის გმირი. მინიჭებული ჰქონდა ი. პავლოვისა და ი. სეჩენოვის პრემიები.

საბჭოთა ფიზიოლოგიის პატრიარქის ივანე ბერიტაშვილის სახელით ამაჟობს მისი მშობელი ხალხი.

საბჭოთა კავშირის მეცნიერებათა აკადემიის აკადემიკოსები: ილია შიპაშა, გიორგი წერეთელი, ივანე ბერიტაშვილი, ნიკოლოზ მუსხელიშვილი და გიორგი კოჩინიძე.



ივანე ბერიტაშვილი.





## მოთხროვა

თაბაზ ხალაქი

თქვენა, ჩემო შვილებო და ძმებო, ალბათ იმასა ჰფიქრობთ, ეს რა ყბედი და ტაშფანდურა თამადა გამოგვადგა, რა მეჭიანურესავით გააბამს და აღარ დაამთავრებს ხოლმეო. მასპინძელი რომ არ ვიყო, იქნება სუფრიდან გაგვანლურებინეთ კიდევ, მაგრამ რათა, კარგებო, ჯერ ხომ ახლა დაბინდდა, მაშ, სხვანაირად როგორ გამოუთხაროთ ძირი ამ სიგარძე ზამთრის ღამეს. არადა, თქვენც რასა ჰკარგავთ, სად გეჩქარებათ ამაზე კარგ ალაგას, ვისხდეთ და ცოტ-ცოტაობითა ვსვათ ეს მირონივით ვაზის წვენი. მოკლედ, მოდი, კიდევ ერთი სადღეგრძელო ვთქვათ და ისიც სხვებს მიემატება.

მე რომ პირველად ამ სოფელში ჩამოვედი, ოცდაორი წლისა არც კი ვიქნებოდი. პედაგოგიური ინსტიტუტი დავამთავრე, აქეთ გამომანაწილეს. ჩამოვედი და იმის მერე ჩავრჩი კიდევ. თუმცა მოიცა, არა, რალაცა კარგად არ გამოვიდა, ჩავრჩი კი არა, დავრჩი, კაცო რადგან ჩამოსვლის შემდეგ არც სხვაგან სადმე წასვლა მომდომებია და არც აქაურ ყოფასა და ჩემს ცხოვრებაზე მეთქმის საყვედური.

სოფლაბჭოში აგვისტოს სიციხისაგან გასავათებული ორი კაცი დამხვდა. ახალი მასწავლებლის გამოჩენაზე არც წყენა დასტყობიათ და არც სიხარული. ეგ იყო, ერთი იმანზე შეფიქრიანდნენ, ეს კაცი სად იცხოვრებსო. ჰო, ის რალა თქმა უნდა, გასაგებია, რომ დღისით სკოლაში იქნება, მაგრამ ღამით ხომ სჭირდება ბინა და თავის შესაფარებელიო. თუმცა, ცოტა ხანში ამ საქმესაც იოლად მოუხანხეს გამოსავალი: მითხრეს, ახლა აქედან ქვევით დაუყვი, ორმილასთან სანამ მიხვალ, ჯალალს სახლი იკითხე, მიგასწავლიან და შენც ეგ გინდა, ნახავ ჯალალს, ეტყვი, რომ ესა და ეს კაცი ვარ და თქვენთან უნდა ვიცხოვროთო. სულ ეგ არის. აბა, შენ იცი და შენმა კაცობამ, როგორ ყოჩაღადაც მოიქცევიო. დალოცვილებმა ისიც არ მიითხრეს, რომ ჯალალს გამოცვლილი სახელი იყო იმ კაცისა და სინამდვილეში ამირანი ერქვა.

მაშინ ჯერ კიდევ რა ვიცოდი, რომ ჯალალზე პატივსაცემი, დარბაისელი კაცი სოფელში ბევრი არავინ დადიოდა და არც ჩემგანა და არც სხვისგან უკანსაყვიარის ძახება არ ეკადრებოდა, მაგრამ მე, სხვა მხრიდან მოსულს, ეს საიდან უნდა მცოდნოდა. ამით მაინც არაფერი დაშავებულა. ერთი კარგი ჩვევა გვაქვს აქაურებს, საკუთარ სახელზე მეტად გამოცვლილ სახელს შე-

იტკობს და შეითვისებს ხოლმე ადამიანი, რადგან თვითონაც ხვდება, იმის შინაგნობასა და ხასიათს ის უფრო კარგად შეეფერება, ის უფრო ზუსტად გამოხატავს. მაგრამ ჩემი მასპინძლის ამბავი ცოტა სხვანაირად იყო, რაშიც დღესაც არა ვარ კარგად გარკვეული.

ჯალალს თუშები თურმე რალაცა ყვავივით ფრინველს ეძახიან. თუშები აქაც ჩამოდიოდნენ ხოლმე ყველისა და მატყლის გასაყიდად, ნათელმრონობა ჰქონდათ ჩვენს სოფლებთან, მისვლა-მოსვლა, მიყოლ-მოყოლა. არავინ იცის, ჩემს მასპინძელს ნამდვილად იმათ დაარქვეს ეს სახელი თუ სხვა ვინმემ, მაგრამ გაკვირვებული კი ძალიან ვიყავი: ფრინველს ის არ ჰგავდა და შავი ის არ იყო, მაშ რით მიამგვანეს ჯალალსა. ვითომ სიარულით? არ ვიცი, რა ვიცი...

კოჭლი იყო ჯალალა. კოჭლი კი იყო, მაგრამ ეგეთი თვალადი, ეგეთი აწყობილი სახის პატრონი არც იქამდე და არც მერე აღარავინ მინახავს. ცოლიც რომ თავისი შესაფერისი ჰყავდა! მე რომ ჩამოვედი, დარო ძალიან ახალგაზრდა აღარ ეთქმოდა და უკვე განშიც წასულიყო, მაგრამ ძველი ეშნი და სილამაზე ჯერ კიდევ შემორჩენოდა. აივანზე რომ გადმოდებოდა დიანბევის ქალივითა და აათამაშებდა ბროლის თითებს, იმის ყურებას არაფერი სჯობდა. ეგ არის ამისათვის ძალიან იშვიათად იცოლიდა.

ბიჭი ჰყავდათ ჩემზე ორი წლით დიდი. ის რომ შესძენოდათ, მამას ამირანი დაერქმია და ამით თავისი ჯალალობისთვისაც სრულად დაეცა დასტური.

ძალიან შორს წავედი და ეს გაჯანჯლებული სიტყვა კიდევ უფრო რომ არ გამიჯანჯლდეს, მოკლედ მოვჭრი: დავიწყე ჯალალსთან ცხოვრება. პირველ ხანებში ორ-სამ თვეს არა უშავდა რა, მოწყენა არ მიგრძენია. სანამ დარები იდგა და სანამ სითბო იყო, სოფლის ახალგაზრდობა ყოველ საღამო ემანდ ორმილასთან იკრიბებოდა და შუა ღამემდე იყო ერთი სიცილ-ხარხარი და თქართქარი, მაგრამ მერე და მერე სიცივემ თავისი ქნა და თანდათან სახლებში შეიკრივა სოფელი, უსაქმოდ გარეთ თავის გამოყოფა აღარავის ეხალისებოდა. დაიწყო ნისლეები, მაგრამ რა ნისლები! კამეჩის მაწონივით სქელი, დახით გასაჭრელი. ხუთ წელიწადს სტუდენტობაში ნაცხოვრებსა და იქაურ ლაღობასა და ჩარფუხანას ნაჩვენეს, გამიჭირდა ეგრე გაძლება. მე შენ გეტყვი და ფერად ტელევი-

ზორს მიეუჭდებოდი ან კინოში გავიქცეოდი თუ რა. აბა, დრო იმას ეთქმოდა: მაშინ მეგონა, მარტო მე გამიჭირდა-მეთქი, რა ვიცოდი, ყველა მეტ-ნაკლებად ჩემს დღეში რომ იყო და ყველას თვითონ რომ უნდა გამოენახა ამ გასაჭირიდან თავის დახსნის საშუალება.

მიმიხვდა ჯალალა, ჩემს თავს კარგი ამბავი რომ არა ტრიალებდა, მხარი მომცა და შემეშველა, თავის მარანში ჩამიჩვია. თქვენთვის ეხლა ეგ ამბავი არაფერსა ნიშნავს, ჩემთვის კი იქ შესვლა, სამოთხეში შესვლას უდრიდა.

სილამოს კარგად ვივანშმებდით, შენ ხარ ჩემი ბატონი, ერთ-ორ ჭიქა ღვინოსაც დავაყოლებდით, მერე ამირანს თვალს ჩაუტყრავდი და დარო ძალოს გასაგონად განვაჯიღებდი.

— ეგეთი ვანშმის შემდეგ ძილი ყველაფერსა სჯობია, მაგრამ ხვალისათვის დღიური მაქვს დასაწერი, უიმისოდა აბა რა ჭირი და სიკვდილი უნდა ვქნა გაკვეთილზე, — და ჩემი ოთახისაკენ წავიდოდი.

— ეპ, მეც ჩავიდე და გომის კარ-ფანჯარა დავჩულო, თორემ ისეთი სიცივეა, ამაღამ ყვავსა და ყორანს ერთად შეჭკრეთავს. — ჯალალს პალტოს წამოისხამდა და ხველებ-ხველებით მიდიოდა საქონლის დასახედად.

ოციოდე წუთში მარანში შევიყრებოდი სამივენი. ჯალალს უკვე აევსო ხელადა და სამ ქამრიან ჭიქასთან ერთად დაბალ ტაბლაზე შემოედგა.

— ქოქამოსავარდნელებო, მუცელეებო, უკვე ჩაიპარეთ, არა? — ჩამოდიოდა მადლიდან დარო ძალოს წყევლა, — ტიკუსუსუნე, ეგ ბიჭები არ დამიციო, თორემ შენ გინდაც კისერი გიტეხია, მე არ ვიღარდო.

ცოლის ქოთქოთი ტყემლის ჩირადაც არ მიაჩნდა ჯალალს და ჩვენ, მითუმეტეს. მშვიდად შევეუფრებდით ერთმანეთს თვალებში, მშვიდად ვამბობდით სადღეგრძელოებსა და

მშვიდად ვწრუპავდით ფაფასავით ღვინოს. რამდენიმე სადღეგრძელოს მერე ჯალალა დიდის ამბით ამოიღებდა ჯიბიდან ბოლოკს და მესაათის სიფრთხილით დაუწყებდა ჭრას. მე და ამირანი ხელებში შევიცივინებდით, სული გველეოდა, ჩვენს წილს როდის მოგვეცემდა. იცით რა ჭიშის ბოლოკი იყო? როგორი გემრიელი? დიდი, მოგრძო, მოწითალო-მოლურჯო, გასჭრიდი და თეთრად აქათქათებული ჯანსაღად გადნათდებოდა. მაგრამ რათ გინდა, სწრაფწარმოვალი სიამოვნება იყო, ტბობას ვერ მოვასწრებდით, ბოლოკის ნაჭერი ისე გავვიქრებოდა თვალსა და ხელს შუა.

— ამოდით, თქვე ადრე და მალე დასამიწებლებო, ამოდით, თქვე მუცელჩასახეთქებო, გეყოფათ. დაიყინებით და მერე ჭირად მე გამიხდებით. — მამას აბრაგუხებდა ზევიდან დარო ძალო.

ჩვენ ვითომ არაფერი გვესმოდა. ვიცოდით, ის არ ჩამოვიდოდა და ჩვენც სანამ ჩვენს საქმეს არ მოვრჩებოდით ფეხს არ მოვიცვლიდით აქედან. მაშ, იმის წყევლისათვის რალად უნდა გვეგდო ყური? განა ჩვენ ჩვენი საფიქრალი თავზე-საყრელად არა გვექონდა.

— ერთიც გექნება რა, მამი, ერთიც გექნება... — იხვეწებოდა ამირანი.

— ჰო, რა, ჯალალა ძია, ერთიც დაჭერი რა... — სიტყვას ვაწევდი მეც.

— ე! რომ მქონდეს, მა რალა დღისთვინ მინდა, სხვას ვის შეეუხანავ? — გაოცებული შლიდა ხელებს ჯალალა.

— ხო ვიცი, რომ გექნება, მამი, ეგრე რათ იცი ხოლმე, კაცო!

— ე! მექნება რა, განა ეხლა ვგლეჯავ, აბა გაიხედე გარეთა, რამსიმაღლე თოვლი დევს.

მიუხედავად ასეთი ცივი უარისა, რამდენიმე ჭიქის მერე კიდევ ერთ ბოლოკს გამოამკრენდა საიდანაც და ჩვენც ღამის ხელებში ვცემოდით. ერთ ხელადაზე სამი ბოლოკით



იოლას გავდიოდით. მეორე ხელადას რომ დავიწყებდით. ჯალალა ღიღის ამბით გამოაცხადებდა: თუ ვინმეს სადღეგრძელო გაქვთ სათქმელი მე ჩემდა თავად ნება მომიციაო და მოლოდინით შემომხედავდა. მიუხედავად ყოველდღიური გამეორებისა, მაინც შემქართველთა ავილებდი ხოლმე ჭიქას, დარცხვენილი მალა, გამჭვარტლულ კოჭებზე მზერამიცივებული, გაუბედავად ვიწყებდი:

გვიამბე, ელიზბარაო, რა ამბავ მოხდა ელოსა? როგორ დაეცნენ ლეკები ბაკურის ციხე-ეზოსა? მამა-შვილი გაფაციცებულები შემომცქეროდნენ და წერიტულ-მძიმესაც არსად ჰკარგავდნენ, თვალებითა მჭამდნენ, სუნთქვითაც კი აღარა სუნთქავდნენ, თითქოს დღეს პირველად ესმოდათ ეს ლექსი. მე ნელ-ნელა ედგებოდი ფეხზე და თანდათან ხმასაც ვუშვალდებდი:

...„ვაჰ, დედას მტრისას!“ — ესა სთქვა, ხელი გაისვა ხმალებდა: „ისევ მე დაგხოცთ!“ — და ცოლ-შვილს თავები დასჭრა წამხედა... იდაყვში მოხრილი მარცხენა ხელი ოდნავ უკანა მჭონდა გაწეული, მალა შემართულ მარჯვენას მოწყვეტით დაეიქნევი და უკვე მთელი ხმით ვქუხდი:

...„გაუხტა ხმალოღერებით, ფრანგულმა გაიცინათ: თორმეტი მოკლა ციხის კარს, ერთურთზე დააწვინათ. ვეფხესაც დააცვლა“

კლანჭები: ბაკურმაც დაიძინაო. ჯალალას თვალებიდან წამო-სული კურცხლები დიდ თეთრ უღვაშებში იკარგებოდნენ. — როგორ დამიცოტავდა

გული. კაცო, ერთბეწო რამეზე მეტირება, — ბოდიშობდა თავის გულსუსტობას. მე და ამირანიც ჩუმაღ ვიწმენდით ცრემლებს. ბოლოს წვალეზ-წვალეზით, წვერმოტეხილი ენით, როგორც იქნა, სადღეგრძელოსაც ვიტყვოდი.

— ბაკურს ცოლ-შვილი აღარ დარჩა და ნაშიერი, მოსგონი აღარავინა ჰყავს, ჰოდა მოდი, ჩვენა ვთქვათ იმისი სულის მოსახსენებელი...

ჯალალა კიდევ ერთ ბოლოც ამოასვრენდა, ოთხად გასჭრიდა და იქიდან ორს მე გადმო-მაწვდიდა. მე ერთ ნაჭერს შევჭამდი. მეორეს კი სამად გავანაწილებდი, რომ საყველავშინდობზე დაგვეყოლებინა.

არ დაიჯერებთ და ეგეთ ამბავში ვიყავით ყოველამ. არცა გვებზრდებოდა, არც დარო ძალოსი გვეშინოდა და ღვინოზე რომ არაფერი ვთქვათ, ბოლოც არ გველეოდა.

ვერაფერს გეტყვით, პირველად ლექსი რომ მათქმევინა, ან რალა მაინცდამაინც ეს ლექსი ავიკვიატე. თუ პოეზიის ცეცხლი მწვავდა, რატო პუშკინის ან ლერმონტოვის ლექსს არ ვამბობდი სასწავლო პროგრამიდან, მე ხომ რუსულის მასწავლებელი ვიყავი, და თუ ამ ხალხში თავის გამოჩენა მიწოდდა, მითუმეტეს. მე შენ გეტყვი და მეტოქე გამომიჩნდებოდა ვინმე და სხვასაც ეცოდინებოდა სოფელში რუსული ლექსები: რა ვიცი, რა ვაიგება, ეგრე კი ვაგრძელდა ორ წელზე მეტი, სანამ ცოლი არ მოვიყვანე და ცალკე არ დავსახლდი.

ოჯახში სხვაც ბევრი საზრუნავი გამიჩნდა, ბაკური და ჯალალას ბოლოკი თანდათანობით გადამავიწყდა, იმათთვის იშვიათადლა ვიცლიდი.

დროს თავისი მიჰქონდა, ძველი ქვიფ-ხადილობა დავიწყებას ეძლეოდა. შვილები დამეხვია, ასაკში შევედი, საკუთარი თავისათვის სადღა მეცალა, წლები კი გადიოდა და გადიოდა.

ერთ საღამოს, გვიან შემოდგომაზე, როცა ჭირნახული მივაბინავეთ, ყველაფერს თავისი ადგილი მივუჩინეთ და დამშვიდებით ამოვისუნთქეთ, როცა სხვა ბევრ რამეს ველოდი და ამას ნამდვილად არა, სახლში ჩემი უფროსი ბიჭი მოვარდა და შემომქაქანა:

— კაცო, დარო ბებიას დაუბარებია, ჯალალა კვდება და შენა გკითხულობს, შენი ნახვა უნდაო!

აუჰ! წამიხდა ხასიათი. რალა გამაჩერებდა, იმ წუთშივე ავდექი და გადავედი. ბევრი ქადაგ-მისნობა აღარა სჭირდებოდა, დავხედე და მივხვდი, ჯალალას საქმე მართლა წასული იყო: იწვა და რალაც ისეთი ნათელი ედგა სახეზე, შეგვეჩინდებოდა. შემომხედა და წყნარად გამიღიმა.

— მოდი, აემ სკამზე დაჯექი, — წყნარადვე მითხრა, — რა მოგივიდა, შე სახეძალო, იქნება მე არ დაგიძახებდი და სიკვდილს წინ მაინც არ უნდა მნახო?

ავიწურე, რალაცის თქმა დავაპირე, გამაჩუმა.

— არ გინდა, ჯერ მე მომიმინე. ჩემს ძმიშვილებს ხომ იცნობ, სამნი ისენი იქნებიან, ორნიც თქვენ — ამირანი და შენა. პირველად თქვენ უნდა ასწიოთ ჩემი კუბო, სახლიდან თქვენ უნდა გაიტანოთ ეზოში.

გავქვავდი, გავხვავდი შემეკრა კაბაწი და სასუგუშო ვერაფერი ვუთხარი, რა ვქნა, არ შემიძლია ეგეთი რამე, იცი, რომ კაცი მიღის ამქვეყნიდან, შენ კიდევ რალაცები უნდა

მოუჩმასო, ტყუილებით დაამედო. ისევ იმ სულგანათლებულმა მიშველა, ჩემი მღვდელი ამირანს მიუბრუნდა და თვლი უყო. ამირანი გაგხტო. — ჩემი ლევე დაბრუნდა ხელადითა და სამი ქამრიანი ჭიქით. ერთი-ორი სადღეგრძელოს მერე ჯალალამ ბოლოკი რომ გამოაძვრინა, ამ დამძარებულსა და დანაღვლისფერებულ ადამიანს კინალამ ხარხარი ამივარდა. მაშინ მაინც საიდან გააჩინა, კაცო! ცოტა ხნის მერე ჯალალამ ძველებური მოლოდინით შემომხედა და მითხრა:

— ვერა, ბოლომდე ველარ შემოგყვებით, ეხლავე უნდა მომასმენინო!

რალა დროს ჩემი ლექსობა იყო, მაგრამ რას ვიზამდი, მომაკვდავს ხომ ვერ გავაწვდილებდი, დავიწყე. ღვთის მადლით კიდევ უსსომებოდა და ბოლომდე უშეცდომოდ ჩავედი.

ჯალალას თვალებიდან წამოსულმა კურცხლებმა უღვაშებისაკენ გზა ველარ გაიკვლიეს და საფეთქლებს ჩამოუყვანენ. იწვა ეგრე თვალდახუჭული და როდის-როდის ამოიღო ხმა:


— შენ ავიშენდა ოჯახი, სიკეთე მისცეს შენს მონაგარს, შენს ნარცხის-ნარცხს არ ანახოს ავი და შავი! მადლობელი ვარ იმ ღმერთისა, ჩემს სახლში რომ შემოვადგმევინა ფეხი.

კედლისაკენ გადაბრუნდა და სანამ იქ ვიყავი, აღარც გადმობრუნებულა.

ორი დღის მერე მოკვდა საწყალი. აცხონოს ღმერთმა, უშარბოროტო, ალალი, მადლიანი ადამიანი იყო. ეჰ, რამდენი სიკეთე მახსოვს იმისაგან.

მალე დარო ძალოც ჯალალამ წაიყვანა. ამირანმა რატომღაც ერთ-ორ წელიწადში ყველაფერი მიყიდ-მოყიდა და სხვაგან გადასახლდა. იმ ხნის კაცისათვის რალა დროს საცხოვრებლის გამოცვლა იყო, მაგრამ ეგეთი ყოფილა სოფელი, ზოგი მიღის, ზოგი მოღის, მთავარია კაცი არ გამოილიოს, საფლავეზე მიმსვლელი არ გაწყდეს. ავე, გადადიოთ და ნახეთ ჯალალასი და დარო ძალოს საფლავეები, თუ ან ხელი აკლია, ან პატრონი და მიმკითხველი. კვირა ხომ ისე არ გავა, ჩემი ოჯახიდან ვინმე არ მივიღეს და ქვევს მტვერი არ გადასწმინდოს და, როცა ამირანი ჩამოვა, მაშინ ხომ წავუქცევთ და წავუქცევთ ხოლმე ჭიქას. ეჰ, ჯალალას რა უჭირს, ბრალი იმას, ვისაც არც ცოლ-შვილი დარჩა და არც ნაშიერი. მოდი, ბაკურის სულის მოსახსენებელი ვთქვათ, ჩვენ მადლად მოგვეცემა.

ვეება მარჯვენაში პატარა ქამრიანი ჭიქა არც კი უჩანდა. ჩაჰკარგოდა.



წინამურიდან საგურამომდე...

წინამურიდან საგურამომდე ეკლიანი და პატარა გზა,  
წინამურიდან საგურამომდე სიცოცხლის გავლა ნეტავი რაა?  
წინამურიდან საგურამომდე ამრიალებულ ფოთლების ზღვაა.

ისევ დუდუნნი ისმის არაგვის, ისევ ბიბინებს არაგვის ველი.  
ღამით ამოსულ და აყვავებულ ვარსკვლავებს დილა მოთიბავს ცელით,  
ღამით ამოსულს და აყვავებულს ნიავს არაგვი დილაგდე ელის.

ჰეი, არაგვო, არაგვიანო, გულში ეგ სევდა რად ჩაგწოლია?!  
შენს სამას შვილზე ხომ არა დარდობ? – გყავდა და თითქოს არა გყოლია!  
შენი ჩქერების თეთრი შხეფები – ეგ ხომ ცრემლების წმინდა ბროლია!

ჰეი, არაგვო, მიაბე მინც, შენს სამას რაინდს თუ რას უმღერდი,  
როგორ აღზარდე ქართულ ქოხებში და ქართულ აკვანს როგორ ურწევდი!  
ჰოი, არაგვო, მაშინაც, ალბათ, ამავე სევდას მოაქუხებდი.

არავინ იყო ამბის მომტანი, არ ვინათებდა გულს ალიონი,  
აღარ გვსმოდა „ვისაც მოუკლავს“, არ გუგუნებდა ზარი სიონის,  
შენ დაგტიროდა მხოლოდ მოხუცი – დამარცხებული ზაგრატიონი!

გზა ეკლიანი და უდაბური გვირებს და მგონებს გაუკაფიათ!  
საით ისწრაფვი მინც, არაგვო, და მიაშფოთებ ტალღებს ქაფიანს?  
მცხეთის კარამდე დიდი ჩრდილებით მთებს შენი ტანი დაუდაუნიათ.

მცხეთის კარამდე გაისმის ძელების და მუზარადის მსხვერვის ხმაური:  
მცხეთის კარამდე წარსულ ბრძოლების ისევ ამცყდარა აურზაური,  
მცხეთის კარამდე რეკავს ჯავშანზე დაჯახებული ხმალი ფშაური!

წინამურიდან გულის კარამდე ერთი გზა მოდის – გზა სისხლიანი!  
ისევ ჰყვიან ცაში არწივნი და შრიალებენ მთანი ტყიანი,  
მთებში ირმების ისმის ყვირილი – გულის მზარავი და სვედიანი,

ეგების მკერდში დასჭრეს ირემი და არ ურჩება ბეჩავს იარა?  
განგმირულ შუბლით ეკლიან გზაზე ისევ მგოსანმა თუ გაიარა?  
ეგების ამწიო მთებს საიდუმლო და დიდი ფიჭვი გაუზიარა?

ჰეი, არაგვო, არაგვიანო, გულში ეგ სევდა რად ჩაგწოლია?!  
მოკლულ პოეტზე ხომ არა დარდობ? – გყავდა და თითქოს არა გყოლია!  
შენი ჩქერების თეთრი შხეფები – ეგ ხომ ცრემლების წმინდა ბროლია!

ჰეი, არაგვო, მიაბე მინც, როგორ დაეცა ეს ვოლიათი?  
ეგების შესწყდა ვარსკვლავთ კაშკაში, გადაფარა მიწას წყვილიაღი,  
და დამწუხრებულს, კაშხნით მოცულს, მზესაც ამოსვლა დაუგვიანდა?

შთავონებული სიმღერა. მისი აღარ მოესმის მიდამოს შენსას,  
ალბათ, მისთვის ხარ გულნათრობილი და აღარ ცხრება ტალღების კენჭსა,  
ნატყვიარ შუბლის სისხლის წვეთები ახლაც აცხია მიწას და ქვებსა!

წინამურიდან საგურამომდე ეკლიანი და პატარა გზა.  
წინამურიდან საგურამომდე სიცოცხლის გავლა ნეტავი რაა?  
წინამურიდან საგურამომდე დიდი მთები და უძირო ცა.



# გაგონების ნარკი კლიერი

რესპუბლიკის ერთ-ერთი ყველაზე პოპულარული გაზეთის „სოფლის ცხოვრების“ რედაქტორს, ცნობილ ჟურნალისტსა და დაუცხრომელ საზოგადო მოღვაწეს, სსრ კავშირის ჟურნალისტთა კავშირის ლაურეატს მიხეილ დავითაშვილს დაბადების 70 წელი შეუსრულდა.

მისი წიგნები გამოცემულია ქართულ, რუსულ, უკრაინულ და ჩეხურ ენებზე. განსაკუთრებულ პოპულარობით სარგებლობს მიხეილ დავითაშვილის ფრონტული სერიები: „სამშობლოს სამსხვერპლოზე მიტანილი სიცოცხლე“, „გმირული დღეების ხსოვნა“, „კავკასიონმა გაუძლო, კავკასიონმა გაიმარჯვა“. მხატვრულ-დოკუმენტური მოთხრობა სახელგანთქმულ ქართველ მხედართუფროს კონსტანტინე ლესელიძეზე ხომ დიდი ხანია, გულით შეიყვარა მკითხველმა საქართველოშიც და რუსეთშიც.

საქართველოს დამსახურებულმა ჟურნალისტმა მიხეილ დავითაშვილმა თავისი ცხოვრების ნახევარ საუკუნეზე უფრო მეტი დრო უძღვნა მებრძოლ, შემოქმედებით შრომას. ჯერ კიდევ სრული-

საზოგადოება „ცოდნამ“ გამოსცა მიხეილ დავითაშვილის ახალი წიგნი, რომელშიც შეგობართა და კოლეგების ნაამბობია გადმოცემული. წიგნს სათაურიც ზედამოჭრილი აქვს: „მეგობრობის ნერგი ძლიერი, კოლეგების გულწრფელი ნაამბობი“. მკითხველი შესანიშნავი ჟურნალისტის სხვა წიგნებსა და ნარკვევებსაც კარგად იცნობს. ზოგი მათგანი რუსულსა და უცხოურ ენებზეცაა დაბეჭდილი. დიდი ხანია, ის სათავეში უდგას ჩვენს „სოფლის ცხოვრებას“, ქალაქშიც რომ ისეთივე ცხოველი ინტერესით იკითხება, როგორც სოფელში. რა არ უნახავს რედაქტორს, ვის არ შეხვედრია, სად არ უვლია! მას ხომ ასობით მეგობარი და კოლეგა ჰყავს მოძმე რესპუბლიკებში. პირადად იცნობს ქვეყნის თითქმის ყველა სასოფლო გაზეთის რედაქტორს. ხდება მათ საკავშირო და რეგიონულ თათბირზე, იმართება მათ შორის მეგობრული საუბრები, გამოცდილებათა ურთიერთვაზიარების მიზნით — მისვლა-მოსვლა. და აი, ამ შეხვედრათა დროს ურთიერთსაუბრების, ჩანაწერების საფუძველზე აღმოცენებულა ეს მშვენიერი, მოცულობით პატარა, მაგრამ შინაარსით მდიდარი წიგნი.

დაწერილია ის ცოცხლად, ჩინებული ქართულით. მოქნეული ფრაზა, სასაუბრო სტილი, გამორჩეული ფაქტები წიგნს მიმზიდველს ხდის. აქ ბევრ უცნობ ფაქტზეა ყურადღება გამახვილებული. ავტორს უბნის წიგნაკში აღუბეჭდავს რუს მეგობართა ნაამბობი. მკითხველის თვალწინ კინოლენტივით გაივლიან ვლადიმერ ჯიქიასა და ნესტორ კლანდარაშვილის, მიხეილ შოლოხოვისა და ვლადიმერ მაიაკოვსკის, ვიორგი ლეონიძისა და ირაკლი აბაშიძის, კონსტანტინე ლესელიძისა და ანდრეი ვოზნესენსკის, ათობით სასოფლო გაზეთის რედაქტორის, დიდი სამამულო ომის, შრომის ვეტერანთა, კულტურის, ხელოვნების მოღვაწეთა პორტრეტები. ჩანაწერები ერთი ამოსუნთქვით იკითხება.

ჩვენს მიზანს არ შეადგენს წიგნის ში-

ად ახალგაზრდა მივიდა რონჰესის მშენებლობაზე და თანამშრომლობდა მის მრავალტარაიან გაზეთში „რონჰესის დამკვრელი“. მერე ქუთაისის საქალაქო გაზეთი „მუშა და კოლმეურნე“...

სამამულო ომის დაწყებისას მივლინებაში იმყოფებოდა „ზარია ვოსტოკას“ განყოფილების გამგე მიხეილ დავითაშვილი. როგორც დაბრუნდა, დაუყოვნებლივ ჩადგა სამშობლოს დამცველთა რიგებში. იგი იყო 821-ე პოლკის პირველი ბატალიონის კომისარი. ქერჩის პლაცდარმის ერთ-ერთი ბრძოლის დროს, 1942 წლის მაისში, მიიმეღ დაიჭრა. მას შემდეგ ჟურნალისტი-მებრძოლი ხდება თავისი თანაბოლკელების გმირული საქმეების მოწმე, თავის მოვალეობად მიიჩნევს, უკვდავყოს და ადიდოს მათი საქმეები.

მიხეილ დავითაშვილის მკერდზე საბრძოლო „წითელი ვარსკვლავის“ ორდენის გვერდით სამი „შრომის წითელი დროშის“, „საპატიო ნიშნის“ ორდენები და მრავალი მედალი კიაფობს. საქართველოს სსრ უმაღლესი საბჭოს დეპუტატის, საქართველოს კომპარტიის ცენტრალური კომიტეტის წევრობის კანდიდატის ყოველი დღე ახალი სიტყვაა მის ბიოგრაფიაში.

„დროშის“ რედაქცია თანამშრომელთა და მკითხველთა მრავალათასიანი არმიის სახელით მხურვალედ ულოცავს ძვირფას კოლეგას დაბადების დღეს და უსურვებს ახალ შემოქმედებით წარმატებებს. ამასთან დაკავშირებით ვბეჭდავთ გამომხატურებას მის ახალ წიგნზე.

ნაარსის დალაგება ან გარჩევა. ამას თავად მკითხველი შეასრულებს. ორიოდ სიტყვით გვინდა მხოლოდ ხაზი გავუსვათ ფაქტობრივი მასალის ნაირობას, სიახლესა და სიუხვეს. უნდა ითქვას ისიც, რომ ნაამბობი მშრალად კი არ არის გადმოცემული, არამედ ორგანულადაა ჩართული მსჯელობაში. მშვენიერია „ლენინგრადსკი რაზონის“ რედაქტორის, გენადი პანკოვის, ნაამბობი ვლადიმერ ჯიქიაზე ვ. ჯიქია რევოლუციის განთქმული ჯარისკაცი იყო. ცხრაას ჩვიდმეტი წლის ოქტომბრის ქარიშხალში ტრიალებდა. ლეგენდად ქვეული კაცის სახელი ამშვენებს პეტროგრადის გმირულ ეპოპეას. მას კარგად იცნობდა თვით ვ. ი. ლენინი. იყო სამოქალაქო ომის გმირი, პეტროგრადის სამხედრო ოლქის კომისარი, შემდეგ ქვეყნის ელექტრიფიკაციის ერთ-ერთი თავკაცი, რონჰესის მშენებელი. ავტორი გვაცნობს თავის შეხვედრებსაც „ახალი საქართველოს მშენებელთან“. ასევე სამახსოვროა ლენინგრადელი რედაქტორის მეტად თბილი სიტყვები ექიმ თამაზ კიკაჩიშვილის შესახებ. ახალგაზრდა ქირურგმა ბევრ ლენინგრადელს სიცოცხლე შეუნარჩუნაო. ბრესტის „ზარიას“ რედაქტორის, პეტრე სუტკის, მონათხრობი ბრესტის მამაც ქართველ დამცველებს ეძღვნება. დასახელებულია ონისიმე ასათიანი, ვანო ზედგენიძე, აკაკი შევარდნაძე, პანტელეიმონ აფხაზაძე და სხვები. რომელთაც სიცოცხლე შესწირეს ციხესიმაგრის დაცვას. ირკუტსკელ რედაქტორს, ვალერი ნიკოლსკის, ახსენდება ლეგენდარული ნესტორ კლანდარაშვილი: „ჩემს მეხსიერებაში მუდმივად იყო „საოცარი პაპის“ ხატებაო“. ჩვენთვის გასაგებია „სოვეტსკაია სიბირის“ რედაქტორის, ნიკოლოზ ბეზრიადინის, თბილი სიტყვები ნოვოსიბირსკის უნივერსიტეტის დამაარსებლისა და პირველი რექტორის, აკადემიკოს ილია ვეკუას, შესახებ. „გეოგრაფიულმა ცნებამ „საქარველომ“ ჩემში ხორცი შეისხა სწორედ ასეთი ადამიანებით და სიმღერა „სულთკოთი“. როდესაც ვიხილე საქართველოს



მკითხველი  
გეოგრაფი



(1941 წელი)

უძველესი დედაქალაქის მცხეთის შეუღარებელი ტაძარი, ქართული ორნამენტების გვეულები და უმშვენიერესი ჩუქურთმები უზარმაზარ ქვებზე, აღარ მიჯვირს; რად არის ასე ვიჭეცურე სულისა ქართველი ხალხი, რად არის ასეთი ნაზი და მოალერსე მათი მეგობრული სიტყვა, რად არის ასე გონიერი და პურადი ქართველი კაცი, რომელმაც ლხინიცა და ჭირიც, მეგობრობაცა და სიყვარულიც მთელი გულით, მთელი გრძობით იცის“. როსტოვის საოლქო გაზეთის რედაქტორი ნ. ი. სემენიუტა გვაცნობს სამაგალითო ქართველი ქალიშვილის — ალექსანდრა ნაზაძის საგმირო საქმეებს. ის გმირულად დაცემულა როსტოვის მახლობლად. წიგნში ლაპარაკია მიხეილ შოლოხოვის საოცარ მეგობრობაზე ქართველ მოღვაწეებთან, მის მოგზაურობაზე ჩვენს რესპუბლიკაში, სტუმრობაზე ნატანებელ კოლმეურნეებთან, მეგობრობაზე „სოფლის ცხოვრების“ რედაქციასთან.

წიგნში ასევე კიდევ ბევრი სხვა ფაქტია მოხმობილი. რუსი მოღვაწეებისა და ჟურნალისტების გულითადი სიტყვები ქართველ ხალხზე, მის მამაც შვილებზე, ქართული მწერლობის კორფეებზე, მხედართმთავრებზე მეგობრობის ნამდვილა საგალობელია. „თანამოკალმეების ეს გულწრფელი მოგონებანი თუ ნაამბობნაზრები აქ შეუღამაზებლად მოვიტანე, ვითარცა მეგობრობის ნერგი ძლიერი“, — წერს ავტორი. ჭეშმარიტად ასე!

ალექსანდრა ლლონტი

მელაპარაკე

ძინავთ სოფლებს და ძინავთ ქალაქებს,  
ამ სიჩუმეში ჩვენ გვღვიძავს მხოლოდ.  
მელაპარაკე, მელაპარაკე,  
რომ ამ მუსიკას არ ჰქონდეს ბოლო.

ძინავთ ველებს და მინდვრებს ნამიანს,  
ძინავთ ტყეებს და კლდეებს, ქარაფებს.  
მელაპარაკე, სანამ ღამეა,  
სანამ სხვებს ძინავთ, მელაპარაკე.

ამ ქვეყანაზე რამ გამოლია  
ან საწუხარი, ან საესავი.  
მელაპარაკე, სანამ ორნი ვართ,  
მითხარი, სანამ მოვა მესამე.

ჩვენ დრო ვიხელთეთ, მთელი სამყარო  
ჩავაძინეთ და თვითვე განვაგებთ  
ჩვენს ბედს და იღბალს,  
სანამ გვნახავდნენ  
და მოგვძებნიდნენ,  
მელაპარაკე...

\* \* \*

ფილმ „ფრენსისის“ ნახვის შემდეგ

მე გამოვსწორდი! წინათ ურჩი და  
შუუპოვარი, მტკიცე, ძლიერი,  
ახლა წყნარად ვარ, ბედს არ ვუჩივი,  
მშვიდი, კეთილი და თვინიერი.

მზეს მოეწყინა და მზე წავიდა  
ჯამთრით დაღლილი და გათოშილი.  
რაში გჭირდება ასე წყნარი და  
ასე მშვიდი და ასე მორჩილი.

სივრცეს გასძახის ქარი ბუკივით:  
— შენც ეული ხარ და მეც ეული.  
რაში გჭირდება ასე გულგრილი,  
ასე უსახო და უფერული.



# ლირიკა



მე გამოვსწორდი! ამბობს ნაჩვევი  
ახლა ლანდევით ჩუმი და ვეღვარ.  
შენ რაში გარგო ასე დამჭერემ,  
ასე ღუნემ და ასე მარტივმა.

დაღუმებულა წვიმა ზმირი,  
შედედებულა ლურჯი ჰაერი.  
უხმო, ბეჩავი და თვინიერი  
სხვა ვარ, სხვაგვარი და სხვანაირი.  
მე გამოვსწორდი!..

\* \* \*

სიძულვილიც სიყვარულის გაზრდილია?  
მისი მოშურნე და მტერი!  
სიძულვილი, რა თქმა უნდა, ადვილია,  
სიყვარული არის ძნელი.

ღალატიც ერთგულების გაზრდილია  
სიმწრით, ეჭვებით და თმენით?  
ღალატი, რა თქმა უნდა, ადვილია,  
ერთგულება არის ძნელი.

\* \* \*

სიკვდილიც სიცოცხლის გაზრდილია,  
ღარიბულ ლუკმით და ცრემლით?  
სიკვდილი, რა თქმა უნდა, ადვილია,  
ნამდვილი სიცოცხლეა ძნელი...

რაც თავი მახსოვს,  
საკუთარ თავს ვებრძვი ოდითგან,  
რაც თავი მახსოვს,  
საკუთარ თავს ვეთვალთმაცქვები.  
ჩემი სახლიდან შეუმჩნევლად  
ვინ გამოვიდა?  
ჩემივე თავი ჩამისაფრდა, ალბათ, გამცემი.

ჩემივე თავი დამასმენს და  
გამყიდის ვერცხლად,

ის ანგრევს ზოლმე,  
რასაც მე ვაგებ.  
ის მაყურადებს, მჭორავს და მებრძვის,  
ეჰ, სადაც უნდა გამკიცხოს, მაქებს.

ამ განგებისგან ვერ შევძელი  
თავი დავიცვა.  
რაც თავი მახსოვს,  
სულ თავს ვიცავ ჩემივე თავისგან.

## სოფლის გზაზე

...სოფლის გზაზე სულ უცნობი უცნობი,  
მთლად უცნობი უცნობს  
გამარჯვებას ეტყვის...  
აჰ, ქალაქში, გამახსენდა ეს ამბავი უცებ,  
ქუჩებში რომ დავდიოდი  
მარტოდმარტო, კენტი.

\* \* \*

გასრულდა კიდევ ერთი ზღაპარი,  
სხვა ზღაპრებივით ისიც გასრულდა.  
რაიც მსურდა და რაიც არ მსურდა  
სამარადუამოდ დარჩა წარსულთან.

აწ მოწყენილი დღე გათენდება,  
რადგან მოვიდა, ვისაც ველოდი.  
ცის კარით რუხი დილა შემოდის,  
ძლივს მოღწეული საქართველომდის.

მორჩა, აღსრულდა,  
მკაცრი იერით  
გაცხადდა უკვე, რაიც მენება.  
ის —  
ბუნდოვანი და მშვენიერი,  
ის —  
მოლოდინის ბედნიერება.

ლაგოდანის  
ნაპრძალში




ეროვნული  
ბიბლიოთეკა



უკრაინა 70  
ბასუპილი

დავით გაბაშვილი.

მოჭილავა.





ეროვნული  
ბიბლიოთეკა

# საჰიდ 70 მასშუალო

გავანადგურებთ.

პარკ-მუზეუმი.



დაჭარბით ქვეწარმავალს!


პარკ-მუზეუმი.

მესამე იმპერიის აპოთეოზი.

გამარჯვება.







სოსო გაბაშვილი.

# ჩვენი ხალხის გეგმვა

● ოლექსა ნოვიცკის, ცნობილ უკრაინელ პოეტსა და ქართული მწერლობის გულწრფელ მეგობარს, ამ ათიოდე წლის წინ გაეცანი. მაშინ ჩემი მოთხოვნის მისეული თარგმანი დაიბეჭდა „ურნალ უკრაინაში“. მისი სახელი ჩემთვის მანამდე უცნობი იყო (ცნობილი, მაგრამ სულ სხვაა, როცა შემოქმედებასთან ერთად, პოეტის პიროვნებასაც ეცნობი).

ოლექსა ნოვიცკი არის ხალასი, როგორც შემოქმედი და, როგორც მეგობარი. მასთან საუბრისას, ან მისი ბარათების კითხვისას, ნათლად ხედავ და გრძნობ, რომ მას უყვარს საქართველო. ჩვენი ხალხი, ქართული პოეზია, ქართული კულტურა.

...და აი, ახლა, როცა ოლექსა ნოვიცკის დაბადებიდან შვიდი ათეული წელი გავიდა, უკრაინის თვალწარმტაც დედაქალაქში — კიევიში ყოფნით ვისარგებლე და შინ ვესტუმრე.

მოხვდებით თუ არა მის ბინაში, მყისვე იგრძნობთ, რომ შეხვდით ადამიანს, რომელსაც მრავალი წლის განმავლობაში მთელი გატაცებით უმოლოაწია იმისათვის, რომ თავისი წვლილი შეეტანა ქართულ-უკრაინული მწერლობის, მეგობრობისა და ურთიერთობის განმტკიცების საქმეში.

აქ, ოლექსა ნოვიცკის სახლში, თითქოსდა ერთმანეთზე გადახლართულა გზები და ბილიკები, რომლითაც ადრე, ჯერ კიდევ ახალგაზრდა პოეტს, გულანთებული უკვლია ჩვენი რესპუბლიკის სოფლებსა და ქალაქებში.

მასპინძელს კარადიდან გამოაქვს ორი წიგნი — ქართული

პოეზიის ანთოლოგიის ორტომეული, რომელიც მიკოლა ბაჟანთან და სიმონ ჩიქოვანთან ერთად რუდუნებითა და სიყვარულით შეუდგინა.

ამ ორტომეულით მოძმე უკრაინელ ხალხს შესაძლებლობა მიეცა, გაცნობოდა ქართულ პოეზიას XII საუკუნიდან დღემდე.

ოლექსა ნოვიცკიმ შეადგინა აგრეთვე, ქართველი ახალგაზრდა პოეტების საუკეთესო ქმნილებათა კრებული, რომელიც გამოსცა უკრაინის გამომცემლობა „მოლოდმა“.

მანვე უკრაინელ მკითხველებს მშობლიურ ენაზე წააკითხა დიდი სულხან-საბას „სიბრძნე სიცრუისა“, ილია ჭავჭავაძისა და აკაკი წერეთლის პოემები და ლექსები.

ძნელია, ჩამოთვალე ქართველი პოეტების ყველა ის ნაწარმოები, რომელიც ორმოცი წლის განმავლობაში ოლექსა ნოვიცკის მიერაა ნათარგმნი და გამოაქვეყნებული უკრაინულ ურნალ-გაზეთებში. მაგრამ აქ საჭიროა იმის აღნიშვნა, რომ თითქმის ყველა ქართველი პოეტის ლექსი, რომელიც მიეძღვნა ლეისა უკრაინას, თარგმნილია მის მიერ და გამოცემულია ცალკე წიგნად, რომლისათვისაც უწოდებია „ლესიასადმი მიძღვნილი ქართული თაიგული“.

ამ უკანასკნელი წლების განმავლობაში მან უკრაინელ მკითხველებს გააცნო ჩვენი შესანიშნავი პოეტების — შოთა ნიშნიანის, რევაზ მარგინის, ჯანსუღ ჩარკვიანის ლექსები.

მრავალი ქართველი პოეტის წიგნია ოლექსა ნოვიცკის ბიბლიოთეკაში. მათ ამშვენებს

უკრაინელი მეგობრისადმი სიყვარულისა და მეგობრული გრძნობის გამოხატვითი ავტოგრაფები.

— ეს ჩემთვის მეტად ძვირფასი განძეულია, — მეუბნება იგი და მაწვდის გალაკტიონ ტაბიძის წიგნს ავტორისეული წარწერით. — თანამედროვეობის დიდი პოეტის მიერ არის მოძღვნილი და განსაკუთრებული სისათუთით გინახავ.

ასევე ვნახე ოლექსა ნოვიცკის ბიბლიოთეკაში გიორგი ლეონიძის ლექსების კრებული ავტორის წარწერით.

ოლექსა ნოვიცკის ბიბლიოთეკაში ინახება უნიკალური ფოტოების ალბომი. იქიდან იღებს ერთ სურათს და მაჩვენებს: საქართველოს მწერალთა ერთ-ერთ ყრილობაზე ოლექსა ნოვიცკი გალაკტიონს გადასცემს მისი ლექსის — „ყველას რაიმე აქვს სახსოვარის“ მიხედვით უკრაინაში შექმნილი სიმღერის ნოტებს.

— მე გამოვაჩვიე ამ ლექსის თარგმანი, — მეუბნება იგი. — ეს ლექსი ძალზე მოსწონებია ჩვენს კომპოზიტორს ანდრეი ლაზარენკოს. მე არ შემიძლია, ამ ბრწყინვალე ლექსზე სიმღერა არ შეიქმნათ, უთქვამს, და მალე სიტყვა საქმედ უჩვივია...

ამგერად ოლექსა ნოვიცკი მუშაობს გრიგოლ აბაშიძის „XII საუკუნის ქრონიკის“ თარგმანზე. თარგმნის აგრეთვე სხვა ქართველი პოეტების ნაწარმოებებს. ამას წინათ გამოიცა ირაკლი აბაშიძის და კარლო კალაძის ლექსების მისეული თარგმანი.

ჩვენ წავიკითხეთ უკრაინულ პრესაში გამოაქვეყნებული მისი „წერილი ირაკლი აბაშიძეს“, სადაც დიდი სიბოთით და სიყვარულითაა საუბარი პოეტ-აკადემიკოსის მიერ განვილი გზაზე, მის შემოქმედებაზე.



## ოლექსა ნოვიცკი

ოლექსა ნოვიცკიმ გამოაქვეყნა აგრეთვე ვრცელი მოგონება — „შეხვედრები ბესარიონ ჟღენტთან“.

უკრაინელმა მკითხველებმა სიყვარულით მიიღეს ხუტა ბერულავას ლექსის „დამშვიდობება კიევიდან“ მისეული თარგმანი, კოლაჟ ნადირაძისა და ალექსანდრე გომიაშვილის ლექსები.

როცა ჩაუთრმადები ოლექსა ნოვიცკის საქმიანობას, ხედავ, რომ ბევრი, ძალზე ბევრი, გაუკეთებია მას უკრაინული და ქართული ლიტერატურის ძმობისა და მეგობრობისათვის.

ვუსტურვით ქართული ლიტერატურისა და კულტურის გულწრფელ მეგობარსა და მოამაგის, საქართველოს სსრ კულტურის დამსახურებულ მუშაკს, ცნობილ უკრაინელ პოეტსა და მთარგმნელს — ოლექსა ნოვიცკის ხანგრძლივი და ჯანმრთელი სიცოცხლე.

ბენო კონჯარია.

# კულტურის ქრონიკა

- გამოფანა
- მიქაძენა
- დიდ რუს
- მწერალს
- ანტონ ჩხეიძის

დიდი რუსი მწერლის ანტონ ჩხეიძის დაბადების 125 წლის თავს მიეძღვნა გამოფენა კ. მარქსის სახელობის საქართველოს სახელმწიფო რესპუბლიკურ ბიბლიოთეკაში.

სტენდებზე წარმოდგენილია მასალები, ფოტოსურათები, წიგნები, ილუსტრაციები, დიაგრამები, რომლებიც ვრცლად და შინაარსიანად მოგვითხრობენ მწერლის ცხოვრებასა და შემოქმედებაზე.

გამოფენა თხუთმეტი განყოფილებისგან შედგება. „ა. პ. ჩხეიძის ბიოგრაფია“ — ამ

სათაურის ქვეშ გაერთიანდა ანტონ ჩხეიძის ბავშვობისა და ახალგაზრდობის წლების ამსახველი სურათები, მისი ოჯახის წევრების ფოტოსურათები. ერთი კუთხე ეძღვნება


ა. ჩხეიძის დრამატურგიულ მოღვაწეობას. აქ უხვად არის გამოფენილი ფოტოსურათები წარმოდგენებიდან, ერთმანეთს ცვლის მწერლის გმირთა როლების შემსრულებელ მსახიობთა პორტრეტები...

დამთვლიერებელი ეცნობა ანტონ ჩხეიძის ცხოვრებასა და შემოქმედებაზე გამოქვეყნებულ კრიტიკულ წერილებს, მწერლის ფოტოსურათებს, მხატვრულ ნაწარმოებებსა და ცალკეული შრომების ძველ და ახალ გამოცემებს.

საქართველოში ა. ჩხეიძის სტუმრობის პერიოდზე საინტერესო მასალებს იძლევა განყოფილება „ა. ჩხეიძის საქართველოში“, აქვეა მწერლის მოთხოვნების, კრებულებისა და ცალკეული ნაწარმოებების თარგმანები: ქართულ, სომხურ, აზერბაიჯანულ, ოსურ, გერმანულ, პოლონურ, ბულგარულ, ინგლისურ, ესპანურ, ფინურ და პოლანდიურ ენებზე.

ბიბლიოთეკის საცნობო-ბიბლიოგრაფიულმა განყოფილებამ შეადგინა მწერლის კართოტეკა და სისტემატურად იძლევა ზეპირ და წერილობით ცნობებს.

ზინაზ შიჟილაშვილი




აზოტის ასიმილაციის ლაბორატორიაში: აკადემიკოსი სერგი დურმიშიძე,  
უფროსი ლაბორანტი: ნათელა გიუნაშვილი და ელენორა ჭითანავა.

# ჩვენი სახე უძველესი მემკვიდრეობა


ფოტო ვიქტორ ჭეიხანდისა.

სამეცნიერო საბჭოს სხდომაზე.





სამუშაო დღე დამთავრდა.



მამა და შვილი.

დაბადების 75 წელი შეუსრულდა სახიქადულო მეცნიერსა და თვალსაჩინო საზოგადო მოღვაწეს, საქართველოს მეცნიერებათა აკადემიის აკადემიკოსს, ჩვენი უურნალის დიდ მეგობარსა და მრჩეველს, მისი სარედაქციო კოლეგიის უცვლელ წევრს სერგი ღურშიშიძეს.


„დროშის“ მკითხველს ვთავაზობთ იუბილარის შრომისა და ცხოვრების ამსახველ ფოტომოთხრობას.

აკადემიკოსი სერგი ღურშიშიძე ესაუბრება უფროს ლაბორანტებს: ქეთევან ფალავანიშვილსა და დარეჯან ურთმელაძეს.



პატარა ნანა ბაბუასთან და ბებუასთან ერთად.





1933 წლის 27 თებერვალს, საღამოს 9 საათსა და 15 წუთზე გერმანიის რაიხსტაგის შენობაში ხანძარმა იფეთქა. ცოტა ხნის შემდეგ ბერლინის რადიომ გადასცა ცნობა, რომ დაპატიმრებულია ცეცხლის წამკიდებელი — პოლანდიელი კომუნისტი ვან-დერლუბე.

ცეცხლის გაჩენისთანავე რაიხსტაგში გაჩნდნენ რაიხსკანცლერი ადოლფ ჰიტლერი, ვიკე-კანცლერი ფონ-პაპენი და გეიბელსი, რომელთაც ახლდათ ლონდონის გაზეთ „დილი ექსპრესის“ ბერლინელი კორესპონდენტი სტეფონ დელმარი.

ჰიტლერმა ასეთი სიტყვებით მიმართა ფონ-პაპენს: „ეს ხანძარი ღვთის ხელია. ახლა გერმანიის შეგვიძლია ხელი რაიხსტაგში, შემდეგ კი ლონდონელ ჟურნალისტს მიუბრუნდა და უთხრა: „თქვენ მოწყმე ხართ ახალი, დიდი ეპოქისა“ გერმანიის ისტორიაში. ეს ხანძარი მისი დასაწყისია!“

იმავე ღამეს, წინასწარ შედგენილი სივრცის მიხედვით, ფაშისტების მოიერიშეთა რაზმებმა რამდენიმე საათში დააპატიმრეს 1500-ზე მეტი ადამიანი, რომელთა შორის იყვნენ კომუნისტები დეპუტატები: ვალტერ შტიკერი, ერნსტ შნელიერი, ფრიც ემერიხი, თომარ გიშეი, ვილი კასპერი, მწერლები ლუდვიგ რენი, ეგონ ერვინი, ში, ერის ბარონი და სხვები. დაპატიმრებულები გრძელდებოდა შემდეგ დღეებშიც. 3 მარტს დააპატიმრეს გერმანიის კომპარტიის ცენტრალური კომიტეტის გენერალური მდივანი ერნსტ ტელმანი, ხოლო 9 მარტს რაიხსტაგის შენობისათვის ცეცხლის წამკიდების ბრალდებით დააკავეს ბულგარელი კომუნისტი, გერმანიაში მცხოვრები პოლიტიკური ემიგრანტები: გიორგი დიმიტროვი, ბლაგოი პოპოვი და ვასილ ტანევი.

თითქმის შვიდ თვეს ამხადებდნენ ჰიტლერის დამქაშები გიორგი დიმიტროვისა და მისი ამხანაგების სასამართლო პროცესს. ფაშისტები მიზნად ისახავდნენ, შეცდომის შეიქცანათ საზოგადოებრივი აზრი და გაემართლებინათ კომუნისტების წინააღმდეგ მოწყობილი ის სისხლიანი ტერორი, რომელსაც 1933 წლის იანვარში ხელისუფლების სათავეში მოქცეული ფაშისტური პარტია ახორციელებდა. ჰიტლერელები გაზეთებით და რადიოთი ჩივიანას აუწყებდნენ: „რაიხსტაგს ცეცხლი კომუნისტებმა წაუკიდეს! რაიხსტაგის დაწვას უნდა მოჰყოლოდა აჯანყება და სამოქალაქო ომი! კომუნისტები აპირებდნენ თქვენი ცოლების გაუპატიურებას! თქვენი

ბავშვების მოკლას! ისინი მასობრივ მოწამლვას ამზადებდნენ.“

1933 წლის 21 სექტემბრიდან 23 დეკემბრამდე ქალაქ ლაიფციგში მიმდინარეობდა ნაციონალური მიერ ინსცენირებული ანტიკომუნისტური სასამართლო პროცესი. როგორც ცნობილია, ეს პროცესი „ბრალმდებელთა“ სრული კრახით დასრულდა. გიორგი დიმიტ-

როვმა სასამართლოზე რკინისებური ლოგიკით ბოლომდე ახადა ფარდა ფაშისტების კაცთმოდულე ბუნებას და ფაქტებით დაამტკიცა, რომ რაიხსტაგის შენობისათვის ცეცხლის წამკიდებელი თვით ჰიტლერელები იყვნენ. ფაშისტთა მმართველმა ხროვამ ბინძური მიზნებისათვის არ დაინდო გერმანული კულტურის დიდებული არქიტექტურული ძეგ-

ლი, რომლის მშენებლობა ხუროთმოძღვარ პაულ ვალოტას პროექტით დაიწყო 1894 წელს. რაიხსტაგი თითქმის 10 წელი შენდებოდა და 1933 წლის მარკა დაუჯდა გერმანელ ხალხს. მსოფლიოს პროგრესული ძალების ზეგავლენით ფაშისტური სასამართლო იძულებული გახდა, გიორგი დიმიტროვისათვის მოეხსნა წაყენებული ბრალდებები და იგი საპყრო-


**ბრისტან ჩინჩილაკაშვილი**

# ქსუულრა ჭაიფუზიუსი პრეზუსი ბუირუსი



● ბორჯომ-პლატო. 1934 წ. ივანე ფაჩუაშვილი, თამარ ფილიპეს ასული მახარაძე, გიორგი დიმიტროვი, ბულგარელი სტუმარი, გიორგი რუსიშვილი (გ. დიმიტროვის მკურნალი ექიმი), მძღოლი, მედიცინის მეცნიერებათა დოქტორი, პროფესორი ასიკო ცაგარელი.

● ბორჯომ-პლატო, 1934 წ. გიორგი დიმიტროვი, ექიმი გიორგი რუსიშვილი, თამარ მახარაძე, ბულგარელი სტუმარი ქალი.



ბილიდან გაათავისუფლეს. ლაიფციგის პროცესის გმირი გიორგი დიმიტროვი 1934 წლის 27 თებერვალს სსრ კავშირში ჩამოვიდა. მას გულთბილი შეხვედრა მოუწყო საბჭოთა ხალხმა. დიმიტროვი, ექიმების რჩევით, 1934 წლის ივნისში ბორჯომში ჩავიდა სამკურნალოდ.

გიორგი დიმიტროვის მიერ საქართველოში გატარებული დღეების შესახებ ბევრი დიფერა ქართულ პრესაში. ამ წერილში ჩვენ ვვინდა, დიმიტროვთან დაკავშირებულ ერთ ნაკლებად ცნობილ ფაქტზე გესაუბროთ.

გიორგი დიმიტროვი ბორჯომის სანატორიუმ „ლიკანში“ ისვენებდა. ყველას უნდოდა. საკუთარი თვლით ენახა ლაიფციგის პროცესის გმირი, მაგრამ მკურნალი ექიმები არავის უშვებდნენ მასთან. ორი კვირის შემდეგ ძვირფას სტუმარს ბორჯომის გარეუბნებში გასვლისა და მშრომელთა კოლექტივებთან შეხვედრის უფლება დართეს.

ერთ დღეს ბორჯომ-პლატოს დასასვენებელი სახლის გამგე ვანო ფაჩუაშვილი პარტიის რაიკომში გამოიძახეს. იგი რაიკომის პირველმა მდივანმა ვალოდია ცხოვრებაში მიიღო და აცნობა, რომ დღის მეორე ნახევარში მათ დასასვენებელ სახლს გიორგი დიმიტროვი ეწვეოდა.

ბორჯომ-პლატოს დასასვენებელი სახლი ერთ-ერთი საუკეთესო ჯანმრთელობის კერა იყო მთელს რესპუბლიკაში. მისი კოლექტივი ხშირად გამოდიოდა გამარჯვებული სოციალისტურ შეჯიბრებაში. დასასვენებელი სახლის წარმატებებზე ხშირად წერდნენ გაზეთები „კომუნისტი“, „ზარია ვოსტოკა“, „ახალგაზრდა კომუნისტი“, რაიონული გაზეთი „ტემპი“...

საპატიო სტუმრის მოლოდინში ფაცი-ფუცი ატყდა. ამ საშუალებაში დამსვენებლებიც მონაწილეობდნენ: ყველას სურდა, რითიმე ესამოგნებინა საქართველოს საპატიო სტუმარი.

დადგა ნანატრი წუთი. დასასვენებელ სახლს მსუბუქი ავტომანქანა მოადგა. დამხვდურნი ტავით, მჭკნარე ოვაციებით შეხვდნენ გიორგი დიმიტროვს. მის თანხლებს პირთა შორის იყვნენ დიმიტროვის მკურნალი ექიმი გიორგი რუსიშვილი და ფილიპე მახარაძის ქალიშვილი თამარი...

გაიმართა სახელდახელო მიტინგი. დამსვენებელთა მისალმების შემდეგ მოკლე რა თბილი სიტყვით გამოვიდა დიმიტროვი. მან მადლობა გადაუხადა

დამსვენებლებს ასეთი შეხვედრისათვის. მიტინგის შემდეგ ექიმმა გიორგი რუსიშვილმა სტუმარს დასასვენებელი სახლის გამგე წარუდგინა. დიმიტროვმა მორცხობა შეამჩნია ახალგაზრდა მასპინძელს და მხარზე გადახვია ხელი. სტუმარ-მასპინძლებმა დასასვენებელი სახლის კორპუსები და მიმდებარე ტერიტორია დაათვალიერეს.

გამომშვიდობებისას გამგის მოადგილემ ასიკო (ვაგარელმა ვანო ფაჩუაშვილს გადაუღაპარა, — სტუმარს სთხოვე, სამახსოვრო სურათი გადაიღოს ჩვენთანო. იქვე გაჩნდა დასასვენებელი სახლის ფოტოგრაფი, რომელმაც ორი ჯგუფური სურათი გადაიღო.

გავიდა წლები. ვანო ფაჩუაშვილი პენსიაზე გავიდა და საზოგადოებრივ საქმიანობებში მრეწველობის მუშაობა პროფკავშირის რესპუბლიკურ კომიტეტში დაიწყო მუშაობა. იმ ხანებში ჩატარდა ბულგარელი ხალხის ბელადის, საბჭოთა კავშირის დიდი მეგობრის გიორგი დიმიტროვის დაბადების 100 წლისთავის იუბილე.

ვანო ფაჩუაშვილი 1982 წლის ნოემბერში, ტურისტთა ჯგუფთან ერთად, ესტუმრა ბულგარეთს და თან ჩაიტანა გიორგი დიმიტროვთან გადაღებული სურათების ასლები. ჯგუფის ხელმძღვანელის დახმარებით ვანო შეხვდა გიორგი დიმიტროვის კლუბის წევრებს, რომლებმაც გულთბილად მიიღეს სტუმარი. იმავე საღამოს ვანო ფაჩუაშვილს გულთბილი შეხვედრა მოუწვევს ხალხმრავალ დარბაზში. ბულგარეთის ტურისტების სახელმწიფო კომიტეტის ხელმძღვანელობამ საბჭოეთის ქვეყნიდან ჩამოსულ სტუმარს გიორგი დიმიტროვის სამახსოვრო მედალი და ბულგარეთის ხელების ალბომი გადასცა. მასპინძლებმა საქართველოდან ჩასული სტუმარი დიმიტროვის სახლ-მუზეუმში მიიყვანეს, გადაიღეს სამახსოვრო სურათები, მერე კი თვითმტრინავით სოფიაში გადააფრინეს და მისთვის საგანგებოდ გამოყოფილი ავტომანქანით ქალაქი დაათვალიერებინეს. ჩვენმა თანამემამულემ ყვავილებით შეამკო გიორგი დიმიტროვის მავზოლეუმი.

ვანო ფაჩუაშვილის ბულგარეთში სტუმრობას ვრცელი სტატია მიუძღვნეს იჭაურმა გაზეთებმა. ფაჩუაშვილს დღემდე გულთბილი მიმოწერა აქვს ბულგარეთში. ქართველ მეგობარს ისინი კვლავაც სტუმრად იწვევენ.



1948 წელი. ვალაკტიონი ქალაქ ცხაკაიაში.

## გზირა მოგონება დიდ პოეტზე

1948 წელი. ოქტომბერი. ცხაკაიელები ვალაკტიონს მოვლიან.

რკინიგზის ვაგზალზე დილით ადრე ზღვა ხალხი მოვიდა. აი, ჩამოდგა მატარებელი. პოეტი რომ გამოჩნდა, ტავმა იგრილა.

სასტუმროში მცირე შესვენების შემდეგ, სახალხო პოეტმა ყვავილები მიიტანა გიორგი ქალაღიღელის საფლავზე. ეგრისის ძველისძველი დედაქალაქი — არქეოპოლისი და სოფელი ნოქალაქივც არ დაივიწყა. კარგა ხანს დაჰყო აქ, ცინე-ქალაქის ქონგურებიან გალაკნებთან.

უკან დაბრუნებისას სოფელი ძველსენაკში შეხვდა მისი გინაზიელი ამხანაგის ქუჩა ქავთარაძის ძმას — ბაძუ ქავთარაძეს. დაათვალიერა სენაკის სკოლა, სადაც პირველი განათლება მიუღიათ კონსტანტინე გამსახურდიას, სიმონ ჯანაშიას, ვარლამ თოფურიას, არნოლდ ჩიქობავას, პეტრე ქავთარაძეს და ერის სხვა გამოჩენილ ადამიანებს.

...სალამოს ქალაქის საზაფხულო თეატრში დიდძალმა საზოგადოებამ მოიყარა თავი. ლამაზად მორთულ სცენაზე დიდი პოეტი თითო საგარძელში იჯდა. ეს საღამო პოეზიის ნამდვილ დღესასწაულად იქცა.

ზღვა ხალხის წინაშე გალაკტიონმა დიდი მღელვარებით წაიკითხა თავისი სახელდახელოდ დაწერილი ლექსი „მადლობა“:

კაცს უგულობა შეაკრთობს,  
როგორც დღეს უსინათლობა.  
გულწრფელი ყვავილებისთვის  
მადლობა, დიდი მადლობა!

მადლობა ახალგაზრდობას,  
ვაჟაყვებსა და ხნოვანებს.  
მე თქვენი სიხარულის გზა  
მარადის აღმადგროვანებს.  
დღეს ჩემი ჩანგი, თქვენი ხმა  
საქართველოა მთლიანი —  
იმისი წინსვლა მედგარი,  
იმისი აღამიანი!  
აღმშენებლობის ხანაში  
ჩანგის ხმა არ გვიანდება.  
ჩემი ჩანგი და თქვენი ხმა  
აქ მტკიცედ ერთიანდება.  
სიმართლის ნათელს დიდება,  
ძირს ბნელი უსამართლობა.  
კოლხეთის მზო, მგზნებარე,  
მადლობა, დიდი მადლობა!..

მეორე დილით ვალაკტიონს თეატრის შენობაში მოსწავლე ახალგაზრდები შეხვდნენ. ნორჩი დეკლამატორები ერთმანეთს ეჯიბრებოდნენ ლექსების კითხვაში. პოეტმა დიდად გაიხარა ბავშვებთან შეხვედრით და მათთან სამახსოვრო სურათი გადაიღო.

დიდი სტუმარი კურორტ მენჯასაც ეწვია, ყურადღებით დაათვალიერა აქაურთა. გულითადი საუბარი ჰქონდა მასპინძლებთან.


სალამოს რკინიგზის ვაგზალზე ავლავ ზღვა ხალხი მოვიდა. ისევ ყვავილები, ისევ სიხარულით განათებული სახეები.

ცხაკაიელებმა სიყვარულით გააცილეს თბილისს მიმავალი პოეტი. ლამაზ, კოპწია კოლხურ ქალაქში კი სამარადისოდ დარჩა ის ორი დაუვიწყარი დღე და დიდი პოეტის სტუმრობის ამბავი...

**ბორის შეგავლია,**  
გაზით „კოლხეთის“  
რედაქციის მოაღრიე.

საქართველოს  
პარლამენტის  
ეროვნული  
ბიბლიოთეკა

# ქრისტიანული მუსიკა



იმ ხალხის ღარი სამუშაოდან ყველაზე გვიან წავიდა. გავიდა თუ არა საფოსტო განყოფილების უკანა კარიდან, რომლითაც მხოლოდ თანამშრომლები სარგებლობდნენ, აქეთ-იქით მიმოიხედა, როცა დარწმუნდა, რომ ყველა წასულიყო და გზად აღარავინ აედევნებოდა, ქუჩაში გაიჭრა და ღამის წყვილადში მიიმალა.

ღარის მარტოობა უნდოდა. უნდოდა, მარტო ყოფილიყო. ვერსად ისეთ მყუდროებას ვერ იგრძნობდა, როგორც აქ, ქუჩაში, ღამით. ახლა, როცა მოიცალა, შეეძლო, ეფიქრა ყველაფერზე, რაც რამდენიმე საათის განმავლობაში თავში უტრიალებდა.

უფროსი კონტროლიორიც მოწინააღმდეგეებს ეკუთვნის! ეს აზრი არ ასვენებდა ღარის. იგი ამასთან დაკავშირებით თავის თავშიც ცვლილებას გრძნობდა. ჭერ კიდევ შუადღისას ჩვეულებრივი ფოსტის მოსამსახურე იყო, რომელიც კეთილსინდისიერად ასრულებდა თავის საქმეს. ახლა ყველაფერი შეიცვალა და მის წინ რაღაც ახალი სახიცოცხლო გზები გადაიშალა. თუმცა ეს ამბავი თავისთავად ჩვეულებრივი შემთხვევა იყო.

როცა უფროსმა თავისი კაბინეტის კარიდან ღარის გასახა, იგი რაღაც სერიოზულმა წინასწარმეტყველებამ შეიპყრო.

— ფანჯარა ნომერი ხუთი, რამდენიმე წუთით სხვამ შეგცვალაო. ცნობის მიღება მინდა.

ღარი შევიდა თუ არა ოთახში, ეველაფერს მიხვდა. სამოქალაქო ჭანსაცმელში გამოწყობილი ორი გესტაპოელი უფროსის საწერ მაგიდასთან იდგა. ამასი დაეჭვება არც კი იყო საჭირო. ეს მათ შუბლზე ეწერათ. სწრაფად შეამჩნია მსგავსებამ იმ ადამიანებთან, რომლებიც პომერანიასში, სამხედრო ტყვეების ბანაკში, ათახებთან ერთად მის სულსაც თელავდნენ.

ყოფილ სამხედრო ტყვეს გააუჩულო. გესტაპო!.. ნეტა რა, რა უნდათ მისგან ამ ბატონებს? „ვინმესთან ხომ არ მიჩხუბნია?“ — ფიქრობდა ღარი და უნდოდა, მისიერებაში აღედგინა. ძლივს გარათვა თავი ამ მდგვარებაზე. გესტაპოელებისათვის ცოტაც კმარა. აი ის ამხანაგი ბუღეს ქუჩიდან, იგი ხომ მუშტრის დაბეჭდების გამო დააპატიმრეს. მხოლოდ იმიტომ, რომ მოურიდებლად თქვა: „ელვასთვის ეს განთავისუფლება მეტად უცნაურია...“ კომენდატურაში წაიყვანეს ის თანამშრომელიც, რომელმაც უარი განაცხადა პარიზში მცხოვრებ გერმანელისადმი გასაგზავნ წერილზე. უბედური ქალი დააპატიმრეს, ციხეში ჩასვეს და ბოლოს უგზოუკვლოდ დაიკარგა. და რომ ვთქვათ, ისევე ფრანგები არ აბეჭდებენ.

შემზარავი ფიქრები მოსვენებას არ აძლევდა, მაგრამ იგი თავს მაინც იმშვიდებდა, ღრმად იყო დარწმუნებული, რომ არაფერი არ ჩაუდენია, არაფერი წამოუტროშავს. ესენი

ოფიცრები იყვნენ. მიუხედავად იმისა, რომ მათ სახეზე თავაზიანი ღიმილი უკრთოდათ, სათვალეების ქვეშ მაინც ბოროტი თვალები ციმციმებდნენ: ჩანდა, რომ რაღაცით უკმაყოფილონი ბრძანდებოდნენ.

ბატონი ლანდერი ახსნა-განმარტებას მოჰყვა:

— ეგ გახლავთ ღარი. ჩვენ მას მეტსახელად შევარქვით „ძლივს არა ვარ კმაყოფილი!“ იცით, ჩვენთან საფრანგეთში სამსახურში ამხანაგებს უყვართ მეტსახელის შერქმევა. ამით თითქმის მეტი სითბო მუდგვადება. და ღარი, როდესაც ჩვენთან მუშაობდა დაიწყო, მუდამ ერთსა და იმავეს გაიძახოდა: „ძლივს არა ვარ კმაყოფილი!“ თუმცა, ბოდიშს ვისდი, თემას გადავუხვიე, ამგვარად, ერთხელ კიდევ გიმეორებთ, რომ ვუთხრეს სახელზე მოკითხვამდე წერილები არ მინახია. რასაკვირველია, თქვენ ვალდებულნი არა ხართ მე დამიჭეროთ, მაგრამ აი თანამშრომელი, რომელიც თვეების მანძილზე მოკითხვამდე წერილების გაცემას განაგებს. შესაძლებელია, რომელიმე წერილი ან ღია ბარათი ყურადღებიდან გამოშვებარა. ან კიდევ დამავიწყდა. ამ ორივე შემთხვევიდან ეჭვი მეპარება, რომელიმე მომხდარიყო...

ღარი, კეთილინებულ და უთხარით გერმანიის ცენზურის სამსახურის წარმომადგენლებს, ხომ არ გახსოვთ, რომელიმე კორესპონდენცია მოკითხვამდე ვუთხრეს სახელზე.

...წვიმა უინუღავდა და ღარის თხელ გაბარდინის საწვიმარში გაატანა. ღარი აცახცახდა, აცახცახდა სიცივისაგან კი არა, არამედ იმ ხიტყვის გახსენებით, ოფიცრებთან რომ წარმოთქვამდა:

„მე ვფიქრობ, რომ ამ სახელზე წერილები არ ყოფილა“. მან იცრუა. იცრუა და არც კი გაწითლებულა ერთის წუთით — თვალი არ მოუშორებია ლანდერისათვის. ლანდერი იღიმებოდა. ეს ღიმილი მამობრივი, გამამხნეველელი და საზრიანი ღიმილი იყო. თითქმის ეუბნებოდა: „ჩინებულა ღარი! ჩვენც შენთან ვართ“.

გასაგები იყო „უფროსის“ ტყუილიც, ვუთხრეს სახელზე წერილები არასოდეს არ მინახავსო. მათ მისაღებად მოდიოდა ნერვიული და მეტად თავაზიანი კაცი, რომელსაც საბუთები სრულ წესრიგში ჰქონდა. ნუთუ ლანდერს შეეძლო, ამ წერილების არსებობა დევიწყებინა, რომელიც ყოველდღე წერილებს სინჯავდა. მოხუცი გულგრილად ელაპარაკებოდა გესტაპოელებს. ეჭვის შეტანა არ შეიძლებოდა...

გერმანელების წასვლის შემდეგ კონტროლიორმა ღარის თვალეში შეხედა და უთხრა:

— მაპატიეთ, ჩემო ძვირფასო! სხვაგვარად არ შემიძლო მოვტყუეულიყავი, ისე არ დამიჭერდნენ და ამიტომ თქვენ მოგმართეთ. არ მინდოდა, ასეთ უხერხულ მდგომარეობაში ჩამეყენებინეთ, მით უმეტეს, რომ ყოფილი სამხედრო ტყვე ხართ. საერთოდ მე თქვენ ძალიან გაფასებთ და არ მინდა, რომ რაიმე უსამართლო შეგემთხვეთ. თქვენ თვითონ განსაჯეთ: ვუთხრე უთუოდ, „წინააღმდეგობის“ ერთ-ერთი წევრია და მის კვალს დასდევენ. იგი ისეთივე ფრანგია, როგორც მე და თქვენ. ხომ არ მიბრახლებით?

ღარიმ არ უპასუხა. მან ხელი გაუწყო და კონტროლიორმა მაგრად ჩამოართვა. ღარი მიხვდა, რომ უფროსს კიდევ რაღაცის თქმა უნდოდა, მაგრამ მან თავი შეიკავა. ნუთუ უფროსს იმის თქმა უნდოდა, რომ იგიც იმ უზარმაზარი საიდუმლო ორგანიზაციის წევრია, რომლის სახელიც ყველას პირზე აკერია?

ღარი მძიმე ნაბიჯებით ზომავეს ქუჩებს და გონების ენით მათ უზიარებს თავის ამაღლებებელ აზრებს. სიცივე არ აკრთობდა. მთელი მისი არსებობა უჩვეულო სიამაყით იყო აღვსილი. რატომ დაუძახა უფროსმა დასახმარებლად? ხომ იცოდა, როგორ საფრთხეში აგდებდა მას? შეიძლება მისი სამხედრო ჯვარი მოაგონდა 1939-1940 წლებში ომში მონაწილეობისათვის რომ მიიღო. ისიც ხომ უფნებლად არ გამოსულა ვერდენთან ბრძოლის ქარ-ცეცხლიდან, იმ ვეება სისხლიან სახალაოდან, სადაც უფროსმა თაობამ საფრანგეთის ღირსება არ დასცა და ომი მოიგო, მემკვიდრეებმა კი ომი სამარცხვინოდ წააგეს. მოხუცმა ღარი ყოყმანის გარეშე ამოიყენა გვერდით და ორივემ ერთხმად უპასუხეს გესტაპოელებს: „არა, ჩვენ იმ ვუთხრეს შესახებ, რომელსაც თქვენ ეძებთ, არაფერი არ ვიცით...“

რატომ გასცეს ასეთი პასუხი? მხოლოდ იმიტომ, რომ ვუთხრე ჭეშმარიტი ფრანგი იყო და ეკუთვნოდა „წინააღმდეგობის“ ორგანიზაციას. არამზადს, რომელმაც ბუღეს ქუჩიდან ამხანაგი დააბეჭდა, ან იმ მეორეს, რომელმაც ფოსტის მოხელე გასცა, არ შეეძლოთ ცარიელი ხელებით ებრძოლათ გამარჯვებისათვის, ყოველგვარი იმედის გარეშე. არა, ისინი ლენტის ნაქერს ვერასოდეს ვერ დამისახურებდნენ, რომელიც ღარის პიჯაკს აშვენებს.

„ჰო, მე თვითონ გმირობიდან შორს ვარ, მე მხოლოდ ბრძანებებს ვასრულებდი. საამაყო როდია ტყვედ ჩავარდნა. შეიძლება ეს არც მომხდარიყო, რომ მეთაურებს რიგიანი ყურადღება მოექციათ. ახლა კი ეკლავ მავთულებს იქეთ ჩემისთანა ასიათასობით ადამიანი დგას.

არც ისინია გმირები, ადამიანები ჩვეულებრივი არიან და კარგი ამხანაგებიც. მე მათ ჩინებულად ვიცნობ. მათ შორის ისეთებიცაა, რომლებმაც სამხედრო ჯვრები დაიმსახურეს.

ეს სამხედრო ჯილდო ყოველთვის აღეწევდა ღარის. დალახვროს ეშმაკმა, მან ხომ ეს ჯილდო დამსახურებულად მოიპოვა, როდესაც მავთნოს ხაზთან სიკის მიმართულებით იბრძოდა.

ღარიმ სახეზე ხელი მოიხვა. წვიმისაგან მთლად დასველებოდა. ღმერთო ჩემო, ნამდვილი შხაპა! ასე სურდოც შეიძლება შეგხვდეს. სურდოზე ფიქრმა ღარი გააცინა. ჰმ, სურდო არა, თორმეტი ტყვია არ გინდა ტანში? ღარიმ იფიქრა, რომ ეს წვიმის წვეთები კი არა, დიდრონი, ჩუმი და ცივი ცრემლები იყო მისი დატყვევებული ქალაქისა, მისი პარიზისა, სადაც ახლა ყოველ ადამიანს ყოველ წუთს შეეძლო, ტრაგიკულად დაესრულებინა თავისი ამქვეყნიური ყოფა და მიწა სისხლის ტბად გადაქცეულიყო.

ფიქრებმა ღარი უფრო შეაკრთო. „ჰო, ახლა ისინი ყოველ ნაბიჯზე მითვალთვალბენ“. „ოთხი თვალი უნდა გამოვიხსნა. საქმე სიკვდილ-სიცოცხლეს ეხება“. თავზარდამცემ ფიქრებში ღარიმ ნაბიჯს აუჩქარა. იგი უკვე იცნობდა „მოწინააღმდეგეთა“ ერთ-ერთ მონაწილეს, რაც მეტად საყურადღებოა. იქნებ საიდუმლო ორგანიზაციის წევრიც ვაგხდე? მერე რა, მეც ხომ დავიმსახურე, თუმცა ყოველგვარი გმირობისაგან შორს ვარ. მეც ხომ ჩვეულებრივი ფრანგი ვარ, ერთ-ერთი იმ მრავალტყვეთაგანი, რომლებიც მომწყვდენულნი არიან უზარმაზარ გალიაში...

მოულოდნელად ღარი შეჩერდა, თითქმის წაიბორძიკა და ფეხი იტკინაო. ფიქრები მოსვენებას არ აძლევდა იმ წუთის შემდეგ, რაც ჰიტლერელები მოატყუა. მან ხელმოორენი მოიწმინდა სახეზე წვიმის წვეთები და შევებით ამოისუნთქა. არა, ღარი ვერასოდეს ვერ ითანამშრომლებს ფაშისტებთან, მას ვერავითარი ძალა ვერ გახდის მოლაღატედ, ის მუდამაჟამს დარჩება ნამდვილ ფრანგად.

ვუთხრეს გამბლანება მის მიერ ფაშისტებთან „თანამშრომლის“ გამუდვანება იქნებოდა. ეს შეიძლება მოხდეს შენდაუნებურად, როდესაც გულში არაფერი გაქვს. მაგრამ ამ გესტაპოელებში, ამ „გამარჯვებულ კეთილშობილებში“ როგორ შეცდებოდა. პომერანიასში ერთ-ერთმა ფერმერმა, იგი მწკრივიმ დგომისას გამოარჩია ფიზიკური მონაცემების, მაგარი კუნთების, განიერი მხრების და პირმრგვალი, მხარული სახის გამო. ასე ხომ ბაზრობაზე პირუტყვს



არჩევნ ხოლმე.

შემდეგ ისინი ფერმისაკენ გაემართნენ. ფერმაში მისვლისას ფერმერმა ფიურერის პორტრეტის წინ ჰიპო კონიაკით აავსო და ახალ მოჭამაგორეს ცხვირთან მიუტანა, აუნოსვინა და უთხრა: „ხედავ კონიაკია!“ — და თვითონვე გამოსცალა. „ის პირუტყვი, ისა“ — ლარი იგონებდა ამ სცენას. კონიაკი საფრანგეთიდან იყო ჩამოტანილი. ფიურერის თავიანთსმცემელს, უბრალოდ, სამხედრო ტყვეს გაღწიანება უნდოდა... მეორე დღეს კოკისპირული წვიმა წამოვიდა. ლარის კი ტალახში უნდა ევლო ბანაკიდან ფერმამდე. მუხლამდე წყალში მოაბიჯებდა. ფერმერმა ლარი შეათვალიერა, კარადასთან მიიყვანა, ერთი წყვილი ძველი რეზინის ჩექმები გამოიღო და გაწმენდა უბრძანა. ლარიმ გაიფიქრა: ფერმერი ჯერ მთლად არ გამხეცებულა, ჩემდამი სიბრალული კიდევ შერჩენია და უნდა მათხოვოსო. როცა ჩექმები წესრიგში მოიყვანა, ფერმერმა ისინი ისევ კარადაში შეინახა და შეურაცხყოფილი სიცილით კარადა გასადგობით ჩაკეტა. ამ ამბის მოგონებაზე ლარი მუშტებს კუმშავდა... ერთხელ ფერმერმა ლხინზე ნათესავები და მეზობლები მოიწვია. გამარჯვებულთა სუფრა იშლებოდა. ლხინს უამრავი სტუმარი ესწრებოდა. — სადღესასწაულო საქმელები მზადდებოდა — შამფურზე ბატი იწვებოდა.

ლარი ამ დროს საჯინბოში მუშაობდა და ისიც სუფრასთან მიიწვიეს. უფროსი ხითხითით ისმენდა სტუმრების ქებას და თანაც მისი ცბიერი თვალეები დაპარაკობდნენ „მადროვით, მე თქვენთვის მოულოდნელი ამბავი მაქვს და კმაყოფილებიც დამარჩებით“.

სიურპრიზი ასეთი იყო: იმ დროს, როცა დამშეულ ტყვეს პირი ბატის ხორციტ ჰქონდა გატენილი, ფერმერმა დაუძახა: „ლარი, საჯინბოში წამომყვები“. ხორციტ პირგამოტენილი ლარი იძულებული იყო, გაჰყოლოდა, რათა ორკაპით ნაკელი გადაებრუნებინა. სასიამოვნო ხუმრობაა, არა? ფერმერს უნდოდა, რომ სტუმრებისათვის დემონსტრაციულად ჩვენებინა, თუ სადამდე შეიძლება ადამიანის დამცირება. სტუმრები ფანჯრებიდან მისჩერებოდნენ ეზოში მომუშავე ლარის.

თვეების განმავლობაში იმდენი ზონის დაგროვდა, რომ ლარის მეტის ატანა აღარ შეეძლო. ერთ დღეს იგი საბძელში მუშაობდა. უცებ აზრად მოუვიდა იმ რკინის ორკაპით

ბოლო მოედო ფერმერისათვის, როგორც კი ის კარს შემოაღებდა. ფერმერმა ლარის განზრახვა იგრძნო და თავი მოარიდა. მთელი დღის განმავლობაში ლარი და ფერმერი ერთმანეთს გაურბოდნენ. ლარი ჰაერში სიკვდილის ქროლვას გრძობდა. იმ დროს, როცა ბანაკში უნდა დაბრუნებულიყვნენ, უფროსმა მიამხა: „ლარი, შენ ხვალ ფერმაში აღარ მოხვალ!“ იმ საღამოსვე ფერმერი ბანაკის კომუნალურაში გამოცხადდა და მოითხოვა, რომ ფერმაში სხვა სამხედრო ტყვე გაეშვათ, რადგან მისი სიტყვებით, ლარი „მეტისმეტად ზარმაცი“ გამოდგა... ლარიმ ოთახის კარები შეაღო და თავისთვის ჩაიცინა: ფერმერის შეშინებულის სახე მოაგონდა, ლარიმ ამ გახსენებით, რაღაც მორალური კმაყოფილება იგრძნო, ფერმერს ნამდვილად შეეშინდა: საერთოდ ისინი არც ისე ძლიერები არიან, როგორც ჰგონიათ, — ფქრობდა ლარი და თან დასაძინებლად ემზადებოდა.

საქმარისა, ხელთ იარაღი გქონდეს და აღამს მაშინვე ძირს დასრინა. რამდენიმე დღემ ისე გაიარა, მნიშვნელოვანი არაფერი მომხდარა. კვირა დღით, სადილის შემდეგ, ფანჯარა №1-ის მოხელემ გამოწახა დრო, საზამთრო ველოდრომზე მარულას დასწრებოდა. მას ყურადღებიდან არ გამოჩენია, რომ წერილები მოკითხვამდე ვუაიეს სახელზე აღარ შემოდიოდა. „წინააღმდეგობის“ წევრები კარგად იყვნენ ორგანიზებული. როგორც ჩანს, მთავარმა კონტროლიორმა ატება განგაში.

ლარი იმითაც კმაყოფილი იყო, რომ უფროსი აღარ ესაუბრებოდა არაღეგალურ ორგანიზაციაზე. ერთ შაბათს, დღით, ის იყო თანამშრომლები სამუშაოს უნდა შედგომოდნენ, მთავარი კონტროლიორი ლანდერი მორიგ კორესპონდენტებს კითხულობდა.

უცებ მან ლარის დაუძახა: — ბატონო ლარი! ლარი უფროსისაკენ გაეშურა. რაც შეიძლებოდა თავს იჭერდა, არ უნდოდა, ლეღვა დატყობოდა, მაგრამ გული უფანცვალბდა და თვალს ვერ აშორებდა მაგიდაზე დაწყობილ ქაღალდებს. ამ ქაღალდებს კომუნალურის ნაცნობი ბეჭედი ჰქონდა დასმული — ფრთებგაშლილი არწივი. ლანდერმა ლარის ქაღალდი გაუწოდა და თან დაურთო:

— კეთილ ინებეთ, წაიკითხეთ და მხედველობაში მიიღეთ! ეს იყო საოკუპაციო ხელისუფლების ჩვეულებრივი განკარგულება.

ფოსტის მოხელეები ვალდებული იყვნენ, წარედგინათ ყველა წერილი, რომელსაც კი მიიღებდნენ, ვინმე კლოდა უელიუს სახელზე.

ბრძანება მოკლე და ზუსტი იყო. ლარიმ თავი ჩალუნა. თავში, როგორც ბუზი, ისე უზუსტუნებდა საშინელი სიტყვა „თანამშრომლობა“.

უფროსმა წერა დაიწყო, ვითომდა მღელვარებას ვერც კი ამჩნევდა ლარის. ეს მეტად პატიოსანი ადამიანი აძლევდა მოქმედების სრულ თავისუფლებას. ნეტა, ხაფანგი ხომ არ არის მისთვის დაგებული, ბრძანება პირადად მის სახელზე ხომ არ იყო. ლარიმ არ შეიმჩნია დინტერესება და ამხანაგებს ბრძანებაზე აზრი ჰკითხა. მათ დაუდასტურეს, რომ იგი ნამდვილად საერთო ხასიათს ატარებდა და პარიზის ყველა საფოსტო განყოფილებებს ეკუთვნოდა. ამრიგად, შესაძლებელი იყო საქმე უელიუსთან ჰქონოდა.

უელიუს! უელიუს! ლარის იგი ჩინებულ ადამიანად წარმოედგინა. რასაკვირველია, ესეც „წინააღმდეგობის“ წევრია. ერთი იმათგანი, რომლებსაც გაზეთები ტერორისტებად ნათლავდნენ და თავს ახვევდნენ მთელ რიგ სისხლიან დანაშაულებებს. უმჯობესი არ იყო ახლა უელიუსათვის, რომ ეს ფოსტები არ არსებობდნენ. ემზადმა კი წაიღოს... სულ ერთია, ლარი მას არ გათქვამს.

და, აი, უელიუს სახელზე დაწერილი წერილი უეცრად ხელში მოხვდა ლარის! თვალეში სისხლი მოაწვა, მაგრამ არ დაინახა. წერილი სხვა უჯრამს ჩაავლო. თავის უჯრამში რომ მოეთავსებინა, ლანდერი ნამდვილად განადგურებდა მას გადასინჯვის დროს. პასუხსაც აგებინებდა ლარის და თვითონაც პასუხს აგებდა. ლანდერი ახალგაზრდა არ არის, მას ცოლი და სამი შვილი ჰყავს, იგი „წინააღმდეგობის“ წევრია, ქვეყნისთვის გამოსადეგი კაცია, გარდა ამისა ამ ამბებში არაფერ შუაში არ არის. ამ ფარულ ბრძოლაში, ლარისა და გესტაპოელებს შორის, სხვამ არ უნდა მიიღოს მონაწილეობა. ლარიმ ეს უიღბლო წერილი ისეთ ყუთში ჩადო, სადაც ადრესატის არ გამოცხადების შემთხვევაში გადაღებული წერილები ინახებოდა. აქ, მტკრიან ყუთში, აზრად არ მოუვით მოქმედონ. საქირო იყო გაჩუმება და ლანდერი იგი მტკიცედ ელოდა ყუთის სამი დღის განმავლობაში. სამუშაოს დამთავრების შემდეგ სინჯავდა ადგილზე იყო თუ არა წერილი. ყველაფერი რიგზე გახლდათ.

ბოლოს ამ წერილს მიაკითხა ერთმა მამაკაცმა: უცნობი მივიდა ფანჯარასთან და უსიტყვოდ გაუწოდა პირადობის მოწმობა ფოტოსურათითა და ყველა იმ ნიშნით, რითაც საერთოდ მოწმობა ივსება.

„ოღნავ ჩამოგავს ჩვენ ლუის, ბანაკში რომ მსახურობს, — გაიფიქრა ლარიმ, — შეიძლება ნათესავიცაა?“

ლარიმ დამალული წერილი მოძებნა იმ კორესპონდენტებს შორის, რომლებიც გადაღებული იყო „ადრესატის აღმოუჩინლობის“ გამო. — აი თქვენი წერილი, — უთხრა

მან კლოდ უელიუს, და თვალეები დახუჭა, რადგან საქმე შეასრულა. თითქოს რაღაც ტალღამ ამოსტყორცნა მიწის ზემოთ და განბანა ყველა იმ სისუსტისაგან, რამელიც ჯერ კიდევ დარჩენილიყო მის სულში, მერყევე ადამიანის სულში.

იგი იმ საღამოსვე დააპატიმრეს. დაკითხვამ დაღვანს არ გასტანა.

— იცოდით, რას ხჩადიოდით? — ჰკითხეს ლარის.

იცრუოს? კიდევ იცრუოს? არა, ახლა აღარავინ დაუჯერებს მას.

— დიახ, უპასუხა მან, — დიახ, მე ჩემი ვალი შევასრულე.

— მაგრამ თქვენ ხომ ზუსტად ბრძანება მიიღეთ გერმანიის საოკუპაციო ხელისუფლებისაგან?

— მივიღე, მაგრამ მე ხომ ფრანგი ვარ?!

— მაშ, თანამშრომლობა?

ლარი წამოიწია, მიუხედავად იმისა, რომ ფეხები გახვევებული ჰქონდა.

ამ წუთს კიდევ მოაგონდა ფერმერი ორკაპით ხელში რომ ელოდა საბძელში...

— მე არ „თანამშრომლობა“ გერმანელებთან.

— გაიყვანეთ აქედან!

ლარი გაიყვანეს. იგი ისე სუნთქავდა, თითქოს უფრო ღრმად უნდოდა, შეესუნთქა სუფთა ჰაერი. ცოტადა დარჩენოდა იმ დრომდე, როდესაც სამუდამოდ შეწყვეტდა სუნთქვას.

როცა ლარი დერეფანში მიმყვდა, ერთ-ერთი კარი გაიღო, რომელზეც მოქროვილი ასოებით იყო აღნიშნული „სალარო“. ოთახიდან ღიმილით გამოვიდა სამი მამაკაცი.

ლარიმ „თავისიანები“ იცნო. ორი ოფიცერი გესტაპოდან. მესამე ის იყო, რომელსაც მან წერილი გადასცა. „ესე იგი, ესეც ფაშისტია, — გაიფიქრა ლარიმ. — მათ ხაფანგში გამაბეს. წარმოიდგინეთ, რომ ამ ტიპსა და ჩვენს ლუის შორის მსგავსებაც კი აღმოვაჩინე! მამაკით შეგობარო!“

ლარი გაიმართა მხრებში და ხელი დაადო ძველ, ჩრჩილისაგან დაქშულ პიჯაკის საყუდოს, თითქოს უნდოდა, მიადრესებოდა სამხედრო ჯვრის ზონრებს.

ახე გაიარა მან დერეფანი ორე მცველის თანხლებით. სალაროდან გამოსულებმა ლარი იცნეს და სიცილი შეწყვიტეს.

ლარის სიკვდილით დასჯის წინ უკანასკნელი სურვილი შეუსრულეს.

მან კალამი მოითხოვა და რომელიმე მათგანის პიროვნება ექვსქვეშ რომ არ დაეყენებინა, კონვერტს ასეთი მისამართი დააწერა:

— „ჩემი საფოსტო განყოფილების პერსონალს“.

წერილი იყო მოკლე. ეწერა ორი სადა ფრაზა:

„ძლივს არა ვარ კმაყოფილი, სხვა დროსაც ზუსტად ასევე მოვიქცეოდი“...

ფრანგულიდან თარგმნა  
თანი ფურცხვანიძე.

## სილოვან ახვლედიანი

### ინვალიდები

როცა ბრწყინდება ზეცა კამკამა და ლურჯ აღმართზე დილა იღინის, გამოვლენ გარეთ თორთოღვა-კანკალით, გაუყვებიან ქუჩებს ისინიც.

თუ მგზავრი ვინმე გვერდს ვერ შეუვლის, თვითონ უხდიან ბოდიშს მრავალჯერ და შაშხანაზე სელმეჩვეულნი დაყვრდნობიან ისევ ყავარჯნებს.

ნაცნობ ჩრდილებში მწვანე ჩარდახთა ხმები რომ ესმით ვაჟთა, ასულთა, შეჩერდებიან მათ წინ ხანდახან, როგორც სიზმარში ნახულ წარსულთან.

აკვირდებიან მერე ერთმანეთს, რანი იყვნენ და რანი არიან. როგორ გაუცვდათ რკინის ბეჭთარი, როცა სიკვდილმა ხელი დარიათ.

გაისხენებენ, ვინ სად ბორაკვდა, ვინ სად ჭექა და ვინ სად გოდებდა: ზოგმა დამარხა ხელი ვოლგასთან, ზოგმა დამარხა ფეხი ოდერთან.

თავისი ხვედრი ყველამ იდარდა, მაგრამ სიცოცხლე როდი დასრულდა — შარავანდედი ადგათ წმინდანთა დიდი რწმენისთვის მრავალტანჯულთა.

გული მთლიანად არ დაწრტყით, სისხლით რომ რწყავდნენ გამარჯვების გზას და გვესმის დღეთა მრავალწერტილად კაკუნი მათი ყავარჯნებისა.

და გვესმის ახალ ზართა გრილიც, დედულ-მამულის ხმა განუერული: ფიზილად იყავით, ზეცას კრიალას კვლავ ემუქრება შავი ღრუბელი!

### შინგოუსკლელის ეზოში

აქ, სიჩუმეში, ზოგჯერ ფოთლის დაცემაც ისმის, ზოგჯერ ჩვილივით დაფანჯნობს ბალახში ნისლი...

გაასწორებენ წაფერდებულ ღობეს და ხარდანს, ძველ აივანზე გაბერტყავენ ძველებურ ფარდაგს.

### ნოდარ ბაქრაძე

### საჩხარა

აქ თბილი გრძნობა წუთით მაჩერებს, აქ უნდა შებუყე აღმართს ტკბილი ხმით... ხევში მარგალიტს მოჰგავს საჩხერე, უკვდავების ფესვს — ვიწრო ბაღიცი.

აქ „მოლინახეს“ ჩრდილი ძველ სურათს გადაკრავს, როგორც სიცოცხლის ჩქერი.

მიდგამ-მოდგამენ ბუნრის ახლოს ჯორკოებს, სკამებს, მტვერს გააცლიან აკვანს, სუფრას, დოქებს და ჯამებს.

ღვინით ხელახლა აავსებენ ამომშრალ სურას და ერთხელ კიდევ ახედავენ კედელზე სურათს.

გამხმარ თაბგულს გამოცვლიან სიცოცხლის ნიშნად და ისევ ფრთხილად ჩარაზავენ წახვლის წინ ჰიმნარს.

მერე, სიზმრებთან რომ რჩებიან მარტოდმარტონი, მაღლობას უხდის ყველა მათგანს ეზოს პატრონი...

### ისევ მიქასის ...

შემოხერგილი კლდეთა ჯაქმებით, ბზინავს რიონი — სარკე ბუნების და, როგორც დედას ჩვილი ბავშვები, გარს ეხვევიან ნაკადულები.

გაღმა-გამოღმა ლურჯი ცა ელავს, გაღმა-გამოღმა მწვანე ველები მოხატულია, ვით „დედაეა“, იაიებით და ვნძელებით.

თვალს ყვავილივით ჩემი დღევ ახელს და ნაირფერობს ჩემი ამინდიც. ისევ მეძახის, ისევ მეძახის ის კუთხე, სადაც ფეხი ავიდგი.

სადაც ქართული ვაზის დამრგველი ხარობს მოსავლით დღემდე ართქმულით და მხრებს იმადლებს ჩემი ცაგერი, თაიგულივით მთებში ჩადგმული.

### ბონდი

რიონზე რკინის სიღია ახლა, ვეღარ მიმრუდებს გზას მთა და კორდი, მე მაინც ხშირად გავდივარ გაღმა ხევში ჩაკარგულ ძველებურ ბონდით.

ნაბილიკარის მოძებნა მიჭირს... ეს მოლანდებაც ფიქრს აღარ მაცლის: დგას ერთ ნაპირზე ის ანცი ბიჭი და მეორეზე — ჭაღარა კაცი.

ბონდი აერთებს ორივე ნაპირს, სადაც კვლავ სუნთქავს სიცოცხლე ორი და მოსჩანს, როგორც გაბმული ძაფი დასაწყისსა და დასასრულს შორის.

„სულიკოს“ მღერის ისევ ჩიხურა, გიტარის სიმზე, ბულბულის ყელით.

გრილი ნიავი მოდის გაღმიდან, ბარში სიცოცხლე მოაქვს ჩანჩქერებს... დღესაც ეს შენი დილა გაღვივდა სულმნათ აკაკის შუქით, საჩხერეც!

გერმანიის დემოკრატიული რესპუბლიკაში მალაქ გალბერშტატის მახლობლად, მდინარეის საჭავე ნოდ ცნობილი საქართველო სოფელი შტრუბეკი, რომლის მკვიდრნი ცხრაას წელზე მეტია ჭადრაკს თამაშობენ.

გადმოცემის თანახმად, შტრუბეკში 1068 წელს ტყვედ ჩაგარდა სლავი თავადი გუნცელინი, რომელიც სოფლის კოშკში დაამწყვდიეს და დარაჯები მიუჩინეს. ტყვე თავადმა პურის გულისგან ჭადრაკის ფიგურები გამოძერწა და დარაჯებს ჭადრაკის თამაში ასწავლა. დარაჯებმა ეს საინტერესო თამაში თანასოფლელებს შეასწავლეს. მალე მთელი შტრუბეკი ვაიტაცა ჭადრაკმა. ამ ვაიტაცებას შტრუბეკელები საუკუნეთა მანძილზე თაობიდან თაობას გადასცემდნენ.

შუა საუკუნეებში დასანიშნი ვაი შტრუბეკელ ქალიშვილს ცოლად ვერ ითხოვდა მანამ, სანამ ჭადრაკის პარტიას არ მოუგებდა სოფლის მამასახლისის. სოფლის მამასახლისები კი კარგი მოჭადრაკეები იყვნენ. შტრუბეკში, როგორც წესი, მამასახლისად ყოველთვის ძლიერ მოჭადრაკეს ირჩევდნენ. წაგებული სასიძო არა მარტო საცოლის ხელს კარგავდა, არამედ დიდ ჯარიმასაც იხდიდა. ეს ჯარიმები გვარიან შემოსავალს აძლევდა სოფელს.

შტრუბეკელ გოგონათა სიღამაზე ბევრ ჭაბუკს აიძულებდა, გულისყური: ჩაჯდომოდა ჭადრაკს, რათა სოფლის მამასახლისთან ორთაბრძოლაში გაეპარჯა.

შტრუბეკელ მოჭადრაკეთა სიძლიერემ მალე საყოველთაო აღიარება მოიპოვა. სოფლის ხელისუფალნი იმ გლეხებს, რომლებიც ჭადრაკს კარგად თამაშობდნენ, ხშირად ათავისუფლებდნენ სხვადასხვა სამუშაოსაგან, რათა სოფლის საპატიო სტუმრებთან მატჩისათვის სათანადოდ მომზადებულ იყვნენ. სტუმრები კი ხშირად ჰყავს შტრუბეკს.

სოფელში ახლა ყოველ ოჯახს აქვს რელიქვია — ადგილობრივ ისტაბათთა სტელით დამზადებული ჭადრაკის კოსტა დაფა და მოხდენილი ფიგურების კომპლექტი.

საზეიმო დღეებში ახალგაზრდები, ძველი ჩვეულების მიხედვით, სოფლის ცენტრში იკრიბებიან, ჭადრაკის დაფასავით მოხატულ მოედანზე ფიგურებზე დაფარებიან და ცოცხალ ჭადრაკს თამაშობენ.

შტრუბეკში უკვე საუკუნეზე მეტია, ჭადრაკის სწავლება სკოლაში სავალდებულო საგნად ითვლება. წლის ბოლოს, მოსწავლე ვალდებულია, გამოცდა ჩააბაროს ჭადრაკის თეორიასა და პრაქტიკაში.

სოფელში ყოველი ლხინი თუ ოფიციალური შეხვედრა მთავრდება ტრადიციული ჰიმნით — „სიმღერა შტრუბეკელ მოჭადრაკეებზე“. სიმღერის ტექსტის ავტორია მშენებელი ფრიდრიხ ვეგენერი — ადგილობრივი მკვიდრი. აღსანიშნავია ისიც, რომ სოფელში გახსნილი რესტორანი და კომფორტაბული სასტუმრო ერთნაირ სახელს ატარებს „ჭადრაკი“. ბავშვებს პერანგებზე ჭადრაკის დაფა აქვთ ამოქარგული, სხვადასხვა საბუთებს კი სოფლის ხელისუფალნი ამოწმებენ ბეჭდით, რომელიც ჭადრაკის დაფას წაგავს.

ოფიციალური ცნობებით, სოფლის საქართველო ჩემპიონატები 1823 წლიდან ტარდება. სკოლაში ჭადრაკის ფიგურებით მოხატული ოთახის ერთ-ერთ კედელზე ამოკვეთილია 161 სახელი და გვარი, რომლებიც 161 წლის მანძილზე გამართულ შეჯიბრებებში გამარჯვებულებს გვამცნობს. შტრუბეკის ყოველ ჩემპიონატში ასზე მეტი თანრიგოსანი მოხაწილუობს.

შტრუბეკში ლექციებით ხშირად გამოხულებიან და ერთდროული თამაშის სეანსები ჩაუტარებიათ მსოფლიოს გამოჩენილ მოჭადრაკეებს: ა. კარპოვს, მ. ტალს, ი. ავერბახს, ა. კოტოვს, ა. სუეტიცს, რ. შპილმანსა და სხვებს.

### გიგლა გოგაჩია



# უღრუბლო ცის ჯარისკაცი

წინ, მდინარე ვისლის შენაკად სანისთან, ბეჭობებზე შეფენილი ქალაქი ჟეშუვი მოჩანდა. ქალაქში ფაშისტები გამაგრებულიყვნენ.

ჟეშუვი ერთ-ერთი უმნიშვნელოვანესი სტრატეგიული ცენტრი იყო. აქედან — კროსნოზე, იასლოზე და სხვა ქალაქებზე გავლით, გზა სამხრეთ-დასავლეთ პოლონეთისკენ მიემართებოდა.

დიდი სამამულო ომის მესამე წაფხული იწყებოდა. შეტევებზე გადასული საბჭოთა მეომრები დასავლეთისკენ მიერეკებოდნენ მტერს.

გერმანელებმა ჟეშუვი მიუწვდომელ ციხესიმაგრედ აქციეს. ქალაქის მისადგომებთან მათ უამრავ ტექნიკას მოუყარეს თავი, ააგეს საცეცხლე წერტილები, მოიძარაგეს ტყვიანობა.

პიტლერელები განსაკუთრებულ იმედს ამყარებდნენ ახალ ტანკებზე — „ვეფხვებზე“. რომლებიც პირველად უნდა ჩაბმულიყვნენ ომში.

შეტევაზე გადასული საბჭოთა ნაწილების შეჩერება, განადგურება და „ვეფხვების“ სატანკო ბრიგადით მოულოდნელ კონტრშეტევაზე გადასვლა — ასეთი იყო მტრის ტაქტიკური ჩანაფიქრი.

ქალაქთან შემორაკლული საბჭოთა არმიის ნაწილები შეტევისათვის თადარიგის დაჭერას ამთავრებდნენ.

აღმოსავლეთით, ტყისპირას გაჭრილ ტრანშეებში, უმცროსი ლეიტენანტის ოთარ ნაჭყეხიას ნაღმტყორცნელთა ოცეული დაბანაკებულიყო.

ახოვანი, შავთვალა უმცროსი ლეიტენანტი ხის ვადანაჭერზე მიმჯდარიყო, პლანშეტი მუხლებზე ჩამოედო და ფიქრებში წასული გასცქეროდა ვისლის დაბინდულ სანაპიროს.

ოთარ ნაჭყეხია რამდენიმე დღის წინათ ჩავიდა ფრონტის წინა ხაზზე. ეს შეტევა მისი საბრძოლო ნათლობა იყო. ცხრამეტი წლის უმცროსი ლეიტენანტი ახლა პირველად უნდა ჩაბმულიყო ბრძოლაში, პირველად მოესინჯა ფხა და უნარი, ცოდნა და გამბედაობა...

ქარმა იძალა,

ზეცა საავდრო ღრუბლებით ჩამოიბურა.

ჩაფიქრებული უმცროსი ლეიტენანტის გონებაში თანდათან გაცოცხლდა და თითქოს ნათლად აღსდგა გარდასულ დღეთა სურათები.

ჯერ დედა წამოიმართა მის წინ — სათნო, მუდამ კეთილი თვალებით მზირალი ვერტიკული. დედის გვერდით დაღუპული მამის — მელქისედეგ ნაჭყეხიას დაღვრემილი სახე გაკრთა. მოგონებამ ახლა უმცროსი მამა ჯუმბერი დაუყენა თვალწინ...

ეპ, ზღაპარივით მიილია ბათუმში გატარებული ბავშვობა. მერე სკოლა, წარჩინებით სწავლა, კომკავშირის რიგებში შესვლა...

ოთარ ნაჭყეხია ჩვიდმეტი წლის იყო, როცა საშუალო სკოლა დაამთავრა. დიდი სამამულო ომი მძვინვარებდა, დედამამუბლო შვილებს უხმობდა.

ოთარ ნაჭყეხია მალე კრასნოდარის მენაღმეთა სასწავლებელში განაწესეს. აქაც მონღომებით, ჩვეული გულისყურით მიეძალა სწავლას და ერთი წლის შემდეგ უმცროსი ლეიტენანტის ჩინით მიაშურა ფრონტს.

ფიქრებიდან გამორკვეულმა ოთარმა ცას ახედა. ირგვლივ კუნაპეტი სიბნელი იდგა.

ის-ის იყო წამოდგა და შეტევის ნიშანიც მისცეს. ჟეშუვის შტურმი დაიწყო.

ქალაქის წინ, ორ ბორცვს შორის, ტაფობში გასასვლელი ციკქნა ყელი იყო დაცემული. ამ გასასვლელს უდიდესი სტრატეგიული მნიშვნელობა ჰქონდა. მტერს შეეძლო, ხელსაყრელი მომენტი შეერჩია, ტანკები დაეძრა, ციკქნა ყელის გავლით ტაფობზე გამოჭრილიყო და მოულოდნელი კონტრშეტევა განეფიქრებინა.

ბორცვებშუა მოქცეულ გასასვლელზე კონტროლი ოთარ ნაჭყეხიას ოცეულს დაევალა.

— არ დაუშვათ ყელის ფლანგიდან შემოტევა. გაანადგურეთ მოწინააღმდეგე, გადადით შეტევაზე და ქალაქში შეიჭვით! — ასეთი იყო ახალგაზრდა ოფიცრის პირველი საბრძოლო დავალება.

ფაშისტებმა ჯოჯოხეთური ცეცხლი დაუშინეს შეტევაზე გადასულ საბჭოთა მებრძოლებს.

პიტლერელებმა კვამლის ფარდით ისარგებლეს, დაძრეს

„ვეფხვები“ და ტაფობისკენ გამოჭრას შეეცადნენ.

ერთდროულად დაიქუხეს ტანკაწინააღმდეგე თოფებმა და ნაღმსატყორცნებმა. მეწინავე „ვეფხვი“ შეტორტმანდა, შეჩერდა და ცეცხლის აღში გაეხვია.

ვიწრო ყელში მოულოდნელად მეორე „ვეფხვი“ გამოხტა. ოსტატური მანევრით ფაშისტმა ტანკისტმა სწრაფად აუარა გვერდი ცეცხლმოკიდებულ „ვეფხვს“. ყელი გადმოჭრა და გაშლილ ტაფობზე ოცეულისკენ გამოეჭანა.

ფაშისტების ურჩხული განადგურებელი სროლით უახლოვდებოდა ოცეულს.

ყველაფერი თვალის დახამხამებაში მოხდა.

ოცეულის მეთაური ელვის სისწრაფით წამოხტა, რამდენიმე ხელყუმბარა შეკრა, წიხარა და ტანკისკენ გაქანდა.

ხუთიოდე მეტრილა რჩებოდა, როცა ქართველი ოფიცერი შეიმართა, გრგვინვით მოშავალ „ვეფხვს“ ხელყუმბარები შეუგდო, გვერდით გადახტა და მიწას გაეკრა.

ის-ის იყო, გერმანელთა ტანკიდან ავარდნილი ბოლი ბოლქვებდა აიჭრა ცაში, რომ ფეხზე წამომხტარმა ოთარ ნაჭყეხიამ დასცქეა:

— წინ, სამშობლოსათვის!... მეთაურის სიმამაცით აღფრთოვანებული ოცეული შეტევაზე გადავიდა.

მალე ყველა ფლანგიდან დაიწყეს შეტევა. რამდენიმე საათის შემდეგ, საბჭოთა მეომრებმა ქალაქი ჟეშუვი გერმანელ ოკუპანტებისგან გაათავისუფლეს.

მამაკობისათვის ახალგაზრდა ოფიცერი ოთარ ნაჭყეხიამ წითელი ვარსკვლავის ორდენი დაიმსახურა.

მომე და გრძელი იყო ომის გზა. ოთარ ნაჭყეხიამ არაერთხელ ისახელა თავი პოლონეთის მიწა-წყლის განთავისუფლებაში; იგი მონაწილეობდა უნგრეთში გამართულ ბრძოლებში, ფაშისტებს ერეკებოდა კარპატებიდან, ლუკლიას უღელტეხილიდან, ჩეხოსლოვაკიიდან...

თანდათან გამოიბრძმედა ქართველი ოფიცერი, მან მეტი ცოდნა, გამძლეობა და გამოცდილება შეიძინა. მებრძოლებმა მთელი გულით შეიყვარეს თავიანთი მეთაური ოთარ ნაჭყეხია. ენდობოდნენ, სწამდათ, აღტაცებაში მოდიოდნენ მისი გამჭრიახობით, გაბედუ-

ლებით, გაუტენლობით, ჯარისკაცებთან თბილი დამოკიდებულებით.

ჩეხოსლოვაკიაში, ქალაქ ჟეშუვი-ბილასთან, მანქანების ფიცხელ ბრძოლაში ოთარ ნაჭყეხიამ ერთხელ კიდევ ცხადყო, რა ძალუძს ვერაგი მტრისადმი რისხვით აღესილ საბჭოთა მეომარს.

1945 წლის თებერვალი. საბჭოთა ჯარებმა ალყაში მოაქციეს მსხვილი სამრეწველო ქალაქი ბელსკა-ბილა.

ერთადერთი გზა, რომლითაც გერმანელებს შეეძლოთ უკანდახევად, საბრძოლო ტექნიკის, ძვირფასი დანადგარებისა და სამრეწველო მოწყობილობის გატანა — ქალაქის დასავლეთით გამავალი გზატკეცილი იყო.

ასეულს, რომლის შემადგენლობაში ოთარ ნაჭყეხიას ნაღმტყორცნელთა ოცეულიც შედიოდა, ბრძანება მიეცა, სოფელ იარნიცასთან გადაეკეტა გზატკეცილი.

ერთ-ერთ ბრძოლაში გმიროლად დაეცა ასეულის მეთაური უმაროვი, ოთარ ნაჭყეხიამ ასეულის მეთაურობა ითავა და მებრძოლები შეტევაზე გადაიყვანა.

ღამით დაწყებული ბრძოლა დილაშდე გაგრძელდა. ოთარ ნაჭყეხია მძიმედ დაიჭრა, მაგრამ ბრძოლის ველი არ მიუტოვებდა.

ბრძანება შესრულდა: გზატკეცილზე ვერცერთმა ფაშისტმა ვერ გაიჭაჭანა...

ღამთავრდა ომი.

ოთარ ნაჭყეხია კარპატისპირეთის სამხედრო ოლქში განაწესეს, რამდენიმე წლის შემდეგ ამიერკავკასიის სამხედრო ოლქში ვადაიყვანეს სამუშაოდ, მერე კი საბჭოთა ჯარების სამხრეთ ჯგუფში ჩარიცხეს.

ოთარ ნაჭყეხიამ წარჩინების დიპლომით დაამთავრა ლენინგრადის ზურგისა და ტრანსპორტის ორგზის ორდენოსანი სამხედრო აკადემია.

სამიოდე წლის წინ, ქართული გენერალთა რიგებს კიდევ ერთი სახელოვანი გენერალი — ოთარ ნაჭყეხია შეემატა.

საბჭოთა კავშირის კომუნისტური პარტიის წევრი, გენერალ-მაიორი ოთარ ნაჭყეხია საქართველოს ერთ-ერთი ღირსეული წარმომადგენელია ჩვენი ქვეყნის შეიარაღებულ ძალებში. ქართველ მხედართმთავართა ტრადიცია გრძელდება — უღრუბლო ცის ჯარისკაცი ოთარ ნაჭყეხია მთელ თავის გამოცდილებას, ძალასა და ცოდნას სამშობლოს ძლიერებას ახმარს.

რეჟისორი, ლეონიძე.



## ქნელი საფეხურთო სავონი

ყოველი წლის აღრიან გაზაფხულზე, როცა ფეხბურთის გულშემატკივარი მოახლოებული სეზონის სურხელსა გრძნობს, იწყება ფორიაქი, სიახლის მოლოდინითა და გაუთავებელი სანაზუნავით აღსავსე ძნელი ცხოვრება.

რა ხდება საქართველოს გუნდებში? ვინ მოიყვანეს ახალი, ვინ ითამაშებს ძირითად შემადგენლობაში? ეს შეკითხვები დღე-ნიადაგ თავს დასტრიალებს გულშემატკივარს. ამ დროს კი შავი ზღვის სანაპიროზე იწყება ვარჯიში, საწვრთნელი შეხვედრები.

მართლაც, რა სიახლეებია ჩვენს გუნდებში? ეს ტრადიციული კითხვა მუდამ გვაწუხებს და გვაინტერესებს... მომავლის მოლოდინით ატაკებულებს ხშირად გვაიწყობება, რომ ახალი ფეხბურთელი საქართველოს უმაღლესი ლიგის გუნდებში თბილისის „დინამოს“ და ქუთაისის „ტორპედოში“ შეიძლება იყოს მხოლოდ და მხოლოდ საქართველოს მკვიდრი, ჩვენს რომელიმე ქალაქში ან რაიონში აღზრდილი მოთამაშე.

ამ მხრივ ეს ჩვენი გუნდები ძირეულად განსხვავდებიან, ვთქვათ, მოსკოვის, კიევის ან სხვა დიდი საფეხბურთო ცენტრების წამყვანი კოლექტივებისაგან. გადახედვით ახალი სეზონის დაწყების წინ უმაღლესი ლიგის გუნდების საგანაცხადო სიებს და ხედავ, ერთი ცნობილი ფეხბურთელი „სპარტაკიდან“ გადასულა „დინამოში“, სხვამ, არანაკლებ ცნობილმა, პირიქით „დინამოდან“ თავი ამოჰყო „სპარტაკში“, ან ცსკა-დან „ტორპედოში“, „ზენიტში“, „ჩერნომორეცში“, „დნეპრში“, სადაც გუნდავთ.

ჩვენი საქმე სულ სხვაგვარადაა, საქართველოს გუნდებში არავის ვიწვევთ მოსკოვიდან და ხარკოვიდან, ოდესიდან და კიევიდან. ჩვენ მხოლოდ საკუთარი თავის იმედით, ესე იგი აქ, შინ აღზრდილი მოთამაშეების ანაბარა უნდა ვიყოთ. აქვე, ისევ და ისევ ჩვენში ვეძიოთ ისინი, ვისაც ძალუქს, ქართული ფეხბურთის მძიმე და საპატიო ტვირთი ზიდოს.

აგერ თითქმის ორმოცდაათი წელია, რაც კი თბილისის „დინამო“ საბჭოთა ფეხბურთის დიდ სარბიელზეა. 1936 წლის შემოდგომიდან მოყოლებული სულ რამდენიმე ფეხბურთელი თუ მოგვიწვევია სათამაშოდ: უკრაინელი ილია პანინი, როსტოველი ვიქტორ ბერეჟნოი, ბაქოელი ვიქტორ პანიკოვი, მოსკოველი სლავა მეტრეველი, ნაჩიკელი ალექსანდრე აფშევი... ესაა და ეს. დანარჩენები? დანარჩენებს ვეძებთ და ვპოულობთ აქვე, ჩვენს მთა-ბარში.

ასე მოვიდნენ „დინამოში“ ფოთიდან ბორის პაიჭაძე და გრიგოლ გაგუა, ქუთაისიდან - რევაზ ძიძუაშვილი და თენგიზ სულაქველიძე, სოხუმიდან - ავთანდილ ლოლობერიძე და ნინო ძიამაძე, ვაგრიდან - ვლადიმერ ბარქაია და გიორგი სიჭინავა, ბათუმიდან - ვახტანგ ქორიძე და ნოდარ ხიზანიშვილი, ოჩამჩირიდან - ამირან ტყეშელაშვილი და ვიტალი დარასელია. ასე მოვიდნენ ჩვენს პირველ გუნდში თელაველი გივი ჩოხელი, ბანძელი მურთაზ ხურცილავა, რუსთაველი შოთა ხინჩაგაშვილი და სხვანი (აღარას ვამბობ თბილისელებზე), სულ ნარჩევი, გამოჩენილი ოსტატები, სსრ კავშირის პირველი ნაკრების წევრები.

მაგრამ ფეხბურთის გზა ახალმოსულიდან დაწყებული გამოდლი, გამობრძედილი ოსტატამდე, აღიარებულ ფეხბურთელამდე, მეტად რთული და ძნელია. ამიტომ, როცა ვამბობთ, ვინ მოვიდა თბილისის „დინამოში“ ან ქუთაისის „ტორპედოში“, ნუ დავივიწყებთ, რომ ესენი ჯერ კიდევ სრულიად ახალგაზრდა ფეხბურთელები არიან, არსებითად, ჭაბუკები, რომლებსაც ბევრი რამ სჭირდებათ სიბიძისოდ, რომ ძირითად შემადგენლობაში დაიმკვიდრონ ადგილი და ასწიონ თბილისის „დინამოს“ ან ქუთაისის „ტორპედოს“ მძიმე ტვირთი.

ფეხბურთის მოყვარულს, გულშემატკივარს, ჩვეულებრივ, თან სდევს ხოლმე რალაც დაუკმაყოფილებლობის გრძნობა. კაცი რომ მუდამ უკეთესისაყენ მიილტვის, ეს გასაგებია, გულშემატკივარსაც ამიტომ მხოლოდ გამარჯვება სწადია.

მე არ ვიცი, ვინ, სად და რატომ თქვა: მოგება და წაგება ძმები არიანო. ეს რა ძმებია, როცა ერთი მოგებაა, მეორე კი წაგება. მაგრამ წაგება, გინდა, არ გინდა, გარდუვალი ამბავია. გულშემატკივარიც ვალდებულია, ანგარიში გაუწიოს ყოველ ცალკეულ, კონკრეტულ ვითარებაში შექმნილ მდგომარეობას, გულისხმიერად და საქმის ცოდნით მიუდგეს ფეხბურთელებსაც, მწვრთნელებსაც, მათ სიძნელებს, წინ კი არ გადაელობოს მათ, პირიქით, გვერდში ამოუდგეს, ხელი შეუწყოს, დაეხმაროს, წააქეზოს, გაამხნევოს.

შარშან, სწორედ ამ დროს, საფეხბურთო სეზონის დაწყების წინ, „დინამო“ ვრცელი წერილი მიუძღვნა 1984 წლის საკავშირო ჩემპიონატს, იმ წერილშიც იმედი გამოვთქვით, რომ გარ-

კვეული კრიზისის პერიოდში მყოფი ჩვენი გუნდები მაინც მაღალწევდნენ საწადელს, თუ კი მათ გულშემატკივართა ერთგული მხარდაჭერაც არ მოაკლდებოდა.

გამართლდა თუ არა თავისებური პროგნოზი? რა თქმა უნდა, გამართლდა! თბილისის „დინამომ“ 1983 წლის გაუგონარი ჩავარდნის შემდეგ (მე-16 ადგილი) ერთბაშად მე-7 ადგილზე აიწია, რისთვისაც საგანგებო ჯილდო — „პროგრესის“ თასიც დაიმსახურა და მთელ რიგ მატჩებში საკმაოდ რიგიანი თამაში აჩვენა. რაც შეეხება ქუთაისის „ტორპედოს“, ამ გუნდმა მეტოქეებთან უაღრესად ძნელ, მძიმე ბრძოლაში ღირსეულად მოიპოვა უფლება, კვლავ იწოდებოდეს უმაღლესი ლიგის კანონიერ მკვიდრად.

განა ეს დიდი მიღწევა არაა: ან ლანჩხუთელი და ბათუმელი ფეხბურთელების შედეგი 1984 წლის I ლიგის საკავშირო გათამაშებაში არაა წარმატება? არის, უდავოდ, არის! მაგრამ ფეხბურთის მოყვარულმა რა ქნას, მას სურვილი აქვს თბილისის „დინამო“ ისევ 1981 წლის დონეზე იხილოს, ხოლო ქუთაისის „ტორპედო“ ერთხელ და სამუდამოდ დაემკვიდრდეს უმაღლეს ლიგაში! გულშემატკივრის ამ კეთილშობილ მისწრაფებებს წინ ვერავინ დაუდგება. თუ მაყურებელი ტრიბუნაზე ზის და თავისი გუნდის საქმეაგოდ არაფერს იშურებს, ცხადია, ფეხბურთელმაც ყველაფერი უნდა გააკეთოს საიმისოდ, რომ საკუთარი შესაძლებლობანი სრულად გამოავლინოს. მინდობრზე.

დასანანი და საწყენია, როცა ზოგიერთი მაყურებელი მხარდაჭერისა და დახმარების ნაცვლად, შეუფერებლად იქცევა ტრიბუნაზე, მაგრამ არც ის არაა მოსაწონი, რომ ფეხბურთელი თამაშის ნაცვლად წააღაფრუმ ტაბლოსკენ იცქირება და დროის გაყვანის ტაქტიკაზეა.

1985 წლის სეზონი, სსრ კავშირის 48-ე საფეხბურთო ჩემპიონატი უაღრესად რთული, ძალზე მძიმე იქნება. ჩვენს გუნდებს საგანგებო შემართება და თავგამოდება მართებთ შარშანდელი მონაპოვრის შესანარჩუნებლად.

ფეხბურთის მოყვარულებმა, ალბათ, უკვე იციან, რომ უმაღლესი ლიგის 1985 წლის გათამაშების დებულებაში მნიშვნელოვანი ხასიათის რეფორმა მოხდა. ეს კი უკიდურესად გამწვავებს ბრძოლას უმაღლეს ლიგაში ყოფნა-არყოფნისათვის. შეგახსენებთ: ორი გუნდი, რომლებიც უმაღლეს ლიგაში მიმდინარე წელს ბოლო, მე-17 და მე-18 ადგილებს დაიკავენ, 1986 წლისთვის ავტომატურად გადაინაცვლებს პირველი ლიგაში, უმაღლესი ლიგის ის ორი კოლექტივი კი, რომლებიც მე-15 და მე-16 ადგილებზე გავლენ, პირველი ლიგის ორ გამარჯვებულთან ერთად შექმნიან 4-გუნდიან ჯგუფს. ამ ჯგუფში დამატებითი გათამაშება ჩატარდება ორი გამარჯვებულის გამოსავლენად. და აი, ისინი უმაღლეს ლიგაში ითამაშებენ 1986 წელს. ასე რომ, მომავალი წლიდან საკავშირო ჩემპიონატში 16 გუნდი დარჩება, ეს კი მეტად მკაცრი, შეიძლება ითქვას, უღმობელი ლიმიტია.

გაიხსენეთ შარშანდელი ჩემპიონატი, რამდენ გუნდს მოუხდა ბეწვის ხილზე გავლა (მათ შორის თვით მოსკოვის „დინამოსაც“ კი, თავი რომ შეენარჩუნებინა ჩვენს საფეხბურთო ელიტაში) წლეულს უკვე 4 გუნდი აღმოჩნდება ამ მძიმე პრობლემის წინაშე.

საინტერესო საფეხბურთო ბრძოლები გვიძევეს წინ მიმდინარე წელს: სსრ კავშირის ჩემპიონატი, თასის გათამაშება, მსოფლიო ჩემპიონატის შესარჩევი მატჩები საბჭოთა კავშირის ნაკრების მონაწილეობით, თბილისში ჭაბუკთა მსოფლიო ჩემპიონატი. ამ ჩემპიონატში გამოდიან ინგლისის, უნგრეთის, ესპანეთის, შოტლანდიისა და სხვა ძალზე ძლიერი გუნდები. გარდა ამისა, გაიმართება პირველი და მეორე ლიგების ოსტატთა გუნდების საკავშირო შეჯიბრებათა მატჩები, საქართველოს ჩემპიონატი, ბავშვთა და მოზარდთა შეჯიბრებები, „ტყავის ბურთის“ კლუბის გათამაშება, მოცლა, როგორც იტყვიან, არ გვექნება!

მით უკეთესი. გულშემატკივრის მოცლა ვის გაუგია!

გიორგი კორძია

საატომრო ნებას რთავს

პარიზის ერო-ერთი სასტუმროს შესასვლელში ასეთი გასცხადება გამოაკრეს.

„ჩვენი სასტუმრო სტუმრებს ნებას რთავს, რომლებშიც შეიყვანონ თავიანთი ძაღლები.

ასეთი გადაწყვეტილება იმიტომ მივიღეთ, რომ ძაღლები არ აგროვებენ ქიქებისა და ჩაის კოვზების კოლექციებს, სასტუმროდან სამახსოვროდ არ მიაქვთ ხელსახოცები და ზეწრები. ისინი არც კარ-ფანჯრებზე ჩამოკიდებული ფარდებით აპრი-ალებენ ფეხსაცმელს.

სხვათაშორის, ძაღლებს საკმაოდ სოლიდურად უჭირავთ თავი: არც ანჩხლობენ და არც სხვის საქმეში ერევიან“.

სასტუმრო პანიკამ მოიცვა

მელბურნის (ავსტრალია) სასტუმრო „შერატონში“ დღისით-მზისით, ორი შეიარაღებული ნი-ღოსანი შეიჭრა.

მომხდურები სასტუმროს დირექტორს ეცნენ. კაბინეტიდან გამოათრევს, გათოკეს, ვიდაცის ნო-შერში შეათრევს და კარი გადარაზეს.

რამდენიმე წუთის შემდეგ პოტელთან მსუბუქი ავტომანქანა მოგრიალდა.

მანქანიდან ავტომატური ახალგაზრდები გადმო-ტყნენ. მათ ხმაურით აირბინეს კიბე, კარს ეცნენ და მძევლად შეპყრობილი დირექტორის განთავი-სუფლებას შეეცადნენ.

სასტუმრო პანიკამ მოიცვა.

მაღე ყველაფერი გაირკვა: თითოეული შეიარა-ღებული განგსტერი თურმე საიდუმლო სამსახუ-რის აგენტი იყო. ისინი გრაფიკით გათვალისწინე-ბულ მორიგ საწვრთნელ მეცადინეობას ატარებდ-ნენ.

ციფრები და ფაქტები

ამერიკის შეერთებული შტატების იუსტიციის სამინისტრომ გამოაქვეყნა ოფიციალური მონაცე-მები ამერიკაში მომხდარ დანაშაულთა შესახებ.

ამ მონაცემების მიხედვით ამერიკის შეერთე-ბულ შტატებში ყოველწლიურად საშუალოდ 20 ათასი მკვლელობა ხდება, თავდასხმის შედეგად ასი ათასობით ადამიანი სახიჩრდება.

1981 წელს ამერიკაში ყოველი მესამე სახლა გაქურდეს, ან შეეცადნენ მის გაქურდვას; 2.400.000 ამერიკელი ცინიდან ან თავდებით არის გამოშვებუ-ლი, ან პირობითი სასჯელი აქვს დაკისრებული.

იუსტიციის სამინისტროს მიერ გამოქვეყნებულ ცნობარში აღნიშნულია, რომ ამერიკაში ჩადენილი ყოველი ათი დანაშაულიდან პოლიციის მიერ საშუალოდ მხოლოდ ორი დანაშაული იხსნება.

პირველი შემოღება

ამერიკის ქალაქ შრივორტში (ლუიზიანის შტა-ტი) მცხოვრებმა 22 წლის ემანუელ რობინსონმა გადაწყვიტა, მორწმუნე გამხდარიყო. მივიდა ეკ-ლესიაში, მოინანია ცოდვები, მოინათლა და განი-წმინდა.

როცა შინ დაბრუნებას აპირებდა, შესცოდა. შე-იპარა მღვდლის გარდერობში. წმინდა მამაოს ანაფორის ჯიბეები განჩრია. პორთფელიდან ფუ-ლი აწაბნა, პალტოდან ჩეკის წიგნაკი ამოაცოცა, უჯრიდან – ფასიანი საბუთები.

განწმენდის შემდეგ ეს იყო მისი პირველი შე-ცოდება.

მოლას გასაჭირი

ბანგლადეშის ერთ-ერთი სოფლის ძოლა ალი აზიმი 104 წლისაა.

მოლას ოთხი ცოლი ჰყავს. არ ჰყავს, ადგა და მესუთე თანამეცხედრე მოიყვანა.

სოფელი აჯანყდა. მორწმუნენი მოითხოვენ, ალი აზიმი დასაჯონ და მოლობიდან გადააყენონ. ხალ-ხის გულისწყრომა იმით კი არ არის გამოწვეული, რომ სიძე კაცი 88 წლით უფროსია თავის 16 წლის ცოლზე, არამედ იმით – ისლამი ნებას არ იძლევა, მოლაშ ოთხ ცოლზე მეტი იყოლიოს.

ლხინი ჩაიშალა

ნეაპოლის ერთ-ერთ ფეშენებელურ რესტორანში ქორწილს იხდიდნენ ნეფე რაფაელ ლენბრანო და პატარძალი როზეტა ბრაიდი.

როცა ლხინი ეშხში შევიდა და სტუმრებმა სიმღე-რა წამოიწყეს, მეინახეებს პოლიცია დაესხა.

ყველა განჩრია. ვისაც ცეცხლმსროლელი იარა-ლი აღმოაჩნდა, დააპატიმრეს. ნეფე და დედოფალი გადარჩნენ.

როგორც გაირკვა, ნეფე თურმე განგსტერთა ბა-ნდის მეთაურის ლორენცო ნუვალეტის ახლოებული ნათესავი იყო.

– ლორენცო ნუვალეტიმ იტალიაში დანაშაულ-თა რეკორდი დაამყარა. სიფრთხილეს თავი არ სტკივა. მისი ახლობლის ქორწილში სწორედ პრო-ფილაქტიკისათვის გეახელით, – თავაზიანად გა-ნაცხადა ერთ-ერთმა პოლიციელმა.

ახალი კანონი

ამერიკის შეერთებული შტატების პატარა ქალაქ ოკ-კრიკში (კოლორადოს შტატი) სამი თვე ციხე და 300 დოლარი ჯარიმა ემუქრება ყველა მცხოვ-რებს, ვისაც შინ არ ექნება... თოფი და ტყვიები.

ასეთი კანონი ქალაქის ხელისუფლებმა იმიტომ მიიღეს, რომ ოკ-კრიკში მხოლოდ ორი პოლიციე-ლია და მოქალაქეებმა ყოველგვარი საფრთხისაგან თვითონვე უნდა დაიცვან თავი.

ახალი კანონი არ ეხებათ ოდესმე მსჯავრდადე-ბულ მოქალაქეებს, ხეიმრებსა და ღარიბებს, რო-მელთაც საშუალება არა აქვთ იარაღი შეიძინონ.

40 ათასი ტირაქით

საფრანგეთში ყოველწლიურად 10-11 ათასი ადა-მიანი იკლავს თავს. ყოველწლიურად აღინუსხება თავის მოკვლის მცდელობის ათასობით შემთხვევა.

ამას წინათ საფრანგეთში თავი მოიკლა ორმა ახალგაზრდამ, რომლებიც სხვადასხვა ქალაქში ცხოვრობდნენ და ერთმანეთს არ იცნობდნენ.

საგულისხმოა, რომ ორივე გვამის გვერდით იდო წიგნი. ეს წიგნები ერთი და იგივე დასახელებია იყო და ერთსა და იმავე გვერდზე იყო გადაშლილი.

წიგნს, რომლის ავტორები არიან ივა ლე ბონი და კლოდა ვიონი, ასეთი სათაური აქვს: „თვით მკვლელობა და მისი აღსრულების ხერხები“.

აღსანიშნავია, რომ წიგნი 40.000 ტირაქით გა-მოიცა.

ახალი რეკორდი

რომში გაიმართა მსოფლიო ჩემპიონატი... ჩი-ბუნის წვეის ხანგრძლივობაში.

შეჯიბრებაში მონაწილეობდა 38 კლუბის 250 წარმომადგენელი (მათ შორის 19 ქალი იყო).

დაძაბული ბრძოლა იტალიის ნაკრები გუნდის გამარჯვებით დამთავრდა. გუნდის წევრები ყალი-ონს მონაცვლეობით ეწეოდნენ 2 საათი, 46 წუთი და 5 წამი.

ნაკომნი ნივთების ბიზროში

ნივთების დაკარგვაში იაპონელმა მგზავრებმა მსოფლიო რეკორდი დაამყარეს. მარტო შარშან, მატარებლის ვაგონებში მათ ნახევარ მილიონზე მეტი ქოლგა დარჩათ. ამას უნდა დაემატოს 300 ათასი სხვადასხვა ნივთი, ტანსაცმელი, 250 ათასი წიგნი...

ყველაზე ძვირფასი დანაკარგი აღმოჩნდა ციციკნა ჩემოდანი, რომელიც ოქრო-ვერცხლითა და ბრილი ანტებით იყო სავსე. ეს ჩემოდანი ტოკიოს რკინი-გზის ვაგზალში დარჩა შეზარხომებულ იუვილერს. ძვირფასეულობის ფასი 3 მილიონ იენს შეადგენდა.

ყველაზე კურიოზული ნაპოვნი იყო ხელოვნური ყბა და ურნა, რომელშიც მიცვალებულის ფრფული იყო ჩაყრილი.

გამეზი გაღმით არიან...


დასავლეთ გერმანიაში განლაგებული ამერიკე-ლთა ბაზები ადგილობრივი ხელისუფლებისაგან გარკვეულ ხარჯებს მოითხოვენ.

ბიუჯეტით გათვალისწინებულ ამ ხარჯებს ხში-რად გაუთვალისწინებელი თანხაც ემატება: სამშო-ბლოში გამგზავრების შემდეგ ბევრ ამერიკელ სა-მხედრო მოსამსახურეს გერმანიის ფედერაციულ რესპუბლიკაში რჩება ქორწინების გარეშე შექნი-ლი შვილი.

„მამიკოები“, როგორც წესი, ივიწყებენ ევროპა-ში დატოვებულ შვილებს და აღიშენებს არ უგზა-ვნიან. მიტოვებული მარტოხელა ქალებისათვის დახმარების გაწევაზე უარს აცხადებენ ამერიკელ-თა ბაზების ხელმძღვანელობაც.

გამოსავალი ისღა რჩება, აცრემლებულ დედებსა და მათ ბავშვებს ადგილობრივმა ხელისუფლებმა გაუწიონ მატერიალური დახმარება.

ასე, მაგალითად, კონტინგენტის რაიონში ერთ წელიწადში 200.000 მარკა დახმარება გასცეს, ოკე-ანესგაღმებმა მამებმა კი ოკეანესგამოღმა მიტო-ვებულ შვილებს მხოლოდ 6 ათასი მარკა აღი-შენტი გამოუგზავნეს.



**შეკვლად:** 1. პირველი რუსული არალეგალური გაზეთი; 2. მეცნიერების ერთ-ერთი დარგი; 4. ფეთქებადი ნივთიერება; 5. ქართული ხალხური ეპოსის გმირი; 8. პაპირუსის ან პერგამენტის გრაფილი; 10. კავკასიონის მწვერვალი; 11. პოლიტიკური ან ეკონომიკური ბრძოლის ხერხი; 12. სეველიანი ლირიკული ლექსი; 14. დარიგება, ტყუის სწავლება; 16. ძალის ერთეული; 18. ცხენოსნის წკება; 20. იმამის ხელისუფლება; 21. ჩოგბურთის მსგავსი თამაში; 22. სრული შესატყვისი, სრული შესაბამისი; 24. ლითონის ჩაღრმავებული ფორმა შრიფტის ჩამოსახსნელად; 26. უმოტორო საფრენი აპარატი; 27. ჭადრაკის პარტიის დასაწყისი.

**თარგუმულად** 3. მეცნიერება, რომელიც სწავლობს საზოგადოების განვითარებას; 6. ელექტროდენის ძალის საზომი ერთეული; 7. ვითარება, როდესაც ორი არასასურველი შესაძლებლობიდან აუცილებელია ერთის არჩევა; 8. უმაღლესი თანამდებობის პირი ძველ საბერძნეთში; 11. ზღუდე, დაბრკოლება, რომელიც უნდა გადალახოს; 13. წონის ერთეული ძველ რომში; 15. ნადირობის მფარველი ქალღმერთი; 17. აზბეჯის ბოქოსაგან დამზადებული მასალა; 19. გამოჩენილი იტალიელი ასტრონომი, ფიზიკოსი და მექანიკოსი; 23. სასიამოვნო სუნი; 25. საფეხურებიდან გადმოჩქეფარე ხელოვნური წყალვარდნილი; 28. საბჭოთა პოეზის ვეტერანი, სპორტის დამსახურებული ოსტატი; 29. გრძელი და ფართო წამოსახსამი; 30. ჩხირისებრი ბაქტერია; 31. მარხილი, რომელშიც აბამენ ირმებს ან ძაღლებს; 32. ქიმიური ელემენტის უმცირესი ნაწილაკი; 33. ჩანასახი; 34. მაღალი ხარისხის ქაღალდისგან დამზადებული მუყაო.

შეადგინა ვაჟა ვახტანგაძემ.

- ჩემი ძაღლი ლაპარაკობს.
- ვიცი, ჩემმა ძაღლმა მითხრა.
- • •
- ევა, სარკესთან თვალებს რატომ ხუჭავ?
- მაინტერესებს, ძილში როგორ გამოვიყურებო.
- • •
- დღევანდელი საკონტროლო თემაა: — „ლირექტორი ვარ“. ჰანს, რატომ არ იწყებ წერას?
- მდივანს ველოდები.
- • •
- მათემატიკა სასოფლო-სამეურნეო მეცნიერების ნაწილია.
- რატომ?
- იმიტომ რომ, პირველ კლასში ვაშლებით ანგარიშობენ.
- • •
- რა ჰქვია შენს პატარა დიკოს?
- არ ვიცი, ჭერ ვერ ლაპარაკობს.
- • •
- მამიკო, როცა გავიზრდები, ჩრდილოეთში წავალ. ახლაც უნდა მომამზადო.
- როგორ?
- ყოველდღე ნაყინი მიყიდე.
- • •
- ეს ბალერინები დაბლები არიან?
- არა.
- აბა, თითის წვერებზე რატომ დგანან?

გერმანულიდან თარგმნა  
მარინე სულაშვილმა.

„დროშის“ № 11-ში გამოქვეყნებული კროსვორდის პასუხები

**შეკვლად:** 1. ბაიკალი; 2. ლინზა; 3. არმია; 4. მდინარე; 7. არენდა; 9. ობლიგაცია; 10. გრუზინოვი; 12. არქტიკა; 13. ესტრადა; 18. პლეადა; 19. მერკური; 21. ეტალონი; 24. თავლა; 25. ისკრა.

**თარგუმულად:** 5. ბაზილიკა; 6. ბარიკადა; 8. იზოგრაფია; 11. ალიბი; 14. „ორერა“; 15. გრადუსი; 16. აგენტი; 17. ეროზია; 20. აკოლადა; 22. სენია; 23. კვოტა; 26. პარადოქსი; 27. ბრაზილია; 28. ვორონინი.

„დროშის“ № 1-ში გამოქვეყნებული კროსვორდის პასუხები

**შეკვლად:** 1. ბუკლეტი; 2. ეტალონი; 4. ზოოლოგია; 5. ვედა; 6. უნიკუმი; 9. აფრიაკა; 12. კოზარა; 13. ანანასი; 14. მაზურკა; 15. გეიზერი; 20. ილუზია; 21. ექსპრესი; 22. კუპლეტი; 25. ბაიკალი; 26. სტაიერი; 28. აზაი.

**თარგუმულად:** 3. კურანტი; 7. ვოდევილი; 8. ალუმინი; 10. ალფა; 14. ოფოფონი; 16. დოლმენი; 17. გალილეი; 18. არმაზი; 19. აზარტი; 23. არაქიზი; 24. ოკლეზია; 27. ვარიეტე; 28. აკრი; 29. სტატიკა; 30. სინტაქსი; 31. კლასიკი.



კორექტორი: ცინან სიძინავა

მონტაჟი ნანული დანელიანი

გარეკანის პირველ და მეოთხე გვერდებზე: საქართველოს მთავარი და ბარში. ფოტოები: თარხან არჩვაძის, მალხაზ დათიკაშვილისა და ანატოლი რუხაძისა.

გადაეცა წარმოებას 18. 01. 85. ხელმოწერილია დასაბუქდად 19. 02. 85. უფ. 01455. ქაღალდის ზომა 70x1631/8. იბეჭედა: გარეკანი და ჩანართი — მაღალი ბეჭდვით, ტექსტი — ოფსეტური წესით. ფიზიკური ფურცელი 3, პირობითი ნაბეჭდი ფურცელი 4,2 სააღრიცხვო-საგამოცემლო თაბახი 5,09. ტირაჟი 47.700. შეკვ. 168. ფასი 85 კაპ. 880096, თბილისი, ლენინის ქ. № 14, საქართველოს კ. ც. კ. გამომცემლობის სტამბა.


Ежемесячный общественно-политический и литературно-художественный журнал «Дроша» («Знамя»), (на грузинском языке). 380096, Тбилиси, ул. Ленина, 14. Типография издательства ЦК КП Грузии. Адрес редакции: 380008. Тбилиси 8. по. Руставели, 42.

რედაქციის მისამართი: 380008, თბილისი 8, რუსთაველის პრ. 42. ტელეფონები: მთავარი რედაქტორის — 99-54-66, მთ. რედაქტორის მოადგილის — 99-82-69, პ/მგ. მდივნის — 99-01-39, განყოფილებათა გამგეების — 93-28-42, რედაქციის სამდივნოსი — 99-54-66.

რედაქციაში შემოსული მასალა ავტორს არ უბრუნდება.



ჭამთრის ეზიუღი.



საქართველოს  
განათლების  
მინისტრო  
05 23 30 7 60 5 6

